

宗平江城坊考

地 1750.22  
179.9241  
=4

宋平江城坊攷卷四

海粟廬所著書之一

東北隅

大街見前

交讓里 今干將坊巷 盧熊志攷證門交讓里今訛甘漿巷 吳郡志交

讓濱在羅城之東北隅 姑蘇志交讓濱在于城北今湮為民居僅有污

池丈許又有交讓巷 舊志交讓王廟在干將坊巷祀周仲雍 紅蘭伏

乘云吳郡志仲雍太伯弟與其兄同奔吳世本云吳孰哉始居蕃離宋衷

註孰哉仲雍字也紫雍是孰食故名仲雍字孰哉括地志云仲雍家在志常

孰縣西北三里海昌山蕃離今吳縣暨縣世本所載仲雍名字似鑿然不

敢其說姑附於此 藏書紀事詩自註與稽齋在干將里吳枚庵盟鳳藏

書處亦見戴延年秋燈叢話又著壽賜贈枚庵詩自註先生居吳之槐樹

樹街即槐樹巷先後居處不同也

乘魚橋 吳地記著錄 吳郡圖經續記乘魚橋者故傳為琴高乘鯉升

仙之地據劉向列仙傳云琴高趙人嘗入涿水中取龍子與弟子期

日皆齋潔待於祠旁果乘赤鯉來出坐祠中留一月復入水去 涿一作

碭不云在吳也列仙傳有英子者亦乘赤鯉升天吳中門戶皆作神魚

遂立英祠未詳孰是 吳郡志乘魚橋在子城之西北昔琴高乘鯉升

仙之地事具吳聞 至和元年僧達本重建橋序乘魚橋當姑蘇之要

津茂苑之靈蹟按吳地記云古者賢士丁法海琴高於此地見大鯉魚



長可丈餘有角有足鼓二翼而舞琴高見其異遂乘魚騰飛死轉駕空  
上升因立橋名 盧熊志乘魚橋在子城西北按列仙傳宋子英乘鯉  
升天故吳中門戶皆作神魚遂立于英祠今至和元年橋記引吳地記  
琴高事不足據 吳郡金石目重建乘魚橋記沙門釋達本述至和元  
年八月初二日後列捨錢人姓名正書碑在橋側吳郡志載其文多誤  
碑文天禧作天禧他碑所未見 又即必達義井題記咸淳辛未十月  
正書在乘魚橋側葛家巷乃郡必達為其女身亡而立記內自稱慈父  
頗古雅勝於妻亡稱孝夫者遠矣

干將坊 吳郡志東市門 祥符圖經吳地記古坊中著錄一本有和令  
無干將 姑蘇志因干將墓對峙而名 寶鐵齋金石文字跋尾貞元

二十年五月龔夫人墓志刻於方碑康熙年間干將坊居人造屋發土  
得之今歸我里顧氏按吳郡金石目文中有葬於干將鄉和令坊字知  
古和令坊不在紹定二年重立處也 吳越春秋闔閭使子胥蓋闕餘  
燭庸習射戰騎射御之巧未有所用請干將鑄作名劍二枚干將者吳  
人也與歐冶子同師俱能為劍越前來獻三劍闔閭寶之以故使劍匠  
作為二枚一曰干將二曰莫邪莫邪干將之妻也干將作劍采五山之  
鐵精六合之金英侯天伺地陰陽同光百神臨觀天氣下降而金鐵之  
精不消於是干將莫知其由莫邪曰子以善為劍聞於王使子作劍三  
月不成其有意乎干將曰吾不知其理也莫邪曰夫神物之化須人而  
成今夫子作劍得無得其人而後成乎干將曰昔吾師作冶金鐵之類不

不消夫妻俱入冶鑪中然後成物至今後世即山作冶麻絲蓋服然後  
敢鑄金於山今吾作劍不變化者其若斯耶莫邪曰師知爍身以成物  
吾何難哉於是干將妻乃斷髮翦爪投於鑪中使童男童女三百人鼓  
橐裝炭金鐵乃濡遂以成劍陽曰干將陰曰莫邪陽作龜紋陰作綬理  
干將匿其陽出其陰而獻之闔閭既得寶劍適魯使季孫聘於吳闔閭  
使掌劍大夫以莫邪獻之季孫拔劍鏗中缺者大如黍米歎曰美哉劍  
也雖上國之師何能似之夫劍之成也吳霸有缺則亡矣我雖好之其  
可受乎不受而去

閩橋北巷 今舒巷 未見著錄

建善坊巷 今廢 未見著錄

建善坊 吳郡志干將巷 祥符圖經吳地記古坊著錄

乘魚橋北巷 今闕巷 未見著錄

吉油巷 盧王二志均著錄 康熙志作吉由巷云尚書卷對 乾隆吳縣

志葉給事初春宅在洞庭西山後遷郡城吉由巷元孫長揚猶居故宅

條坊巷 盧王二志均著錄 同治志調豐巷宮巷西舊名條坊巷 姑蘇

志鄭所南宅在樂橋東條坊巷 清志萬金石補編隆興二年傅氏妙喜

塔碑題記條坊巷街北面南居孝妻傅氏妙喜按是碑出宮巷口塔中

管家橋巷 今土道巷 未見著錄 康熙志有管正音字振之與文震

孟姚希孟均春秋名家江西通志名宦傳有管正傳字元心崇禎時為

江西永新令有德政馮府志引焦雄誌有管志道疏奏九事於隆慶時

均明人無宋元時著名之管氏人物

管家橋 范盧王三志均著錄

馬黃橋巷 今廢 未見著錄 玉海楊存中增損舊製造馬黃弩制度  
精密彼一矢未竟而此三發矣按姑蘇志土貢門明有吳中歲造墨漆  
角弓三百二十張弓弦一千二百條黑漆透甲箭四萬枝雜造局造則  
知吳中夙擅作弓矢馬黃橋則當時製造地也 范盧王三志於此左  
近著錄換馬橋本圖失載今不能改而知其地矣

李師堂橋巷 今橫巷 未見著錄

李師堂橋 吳地記范盧王三志均著錄 范盧二志作金師堂橋 戒  
庵老人續吳郡志衍慶道院在李師堂橋南宋咸淳間建

富仁坊巷 盧熊志著錄 姑蘇志魚行橋東

富仁坊東有塔 吳郡志魚行橋東 祥符圖經吳地記古坊著錄

魚行橋 吳地記祥符圖經范盧二志均著錄 姑蘇志宋紹興四年重

建 又吳燈往時最多免成大詩註又有魚鮓菱桿鐵絲為之者一種  
名柵子燈在魚行橋盛氏造今不傳周密乾淳歲時記元夕張燈以蘇  
燈為最圖片大者徑三四尺皆五色琉璃所成山水人物花竹翎毛種  
種奇妙儼然着色便面也吳文英夢窗己稿採芳信詞序丙申歲吳燈  
市盛常年余借宅幽坊一時名勝過令置杯酒接殷勤之勸甚盛事也  
朱祖謀夢窗詞小箋丙申理宗端平三年今按吳中魚市吳越春秋載  
載吳魚膾大業雜記有吳郡獻鮑魚乾膾鮑魚合肚白魚種子鯉腴

鮫海蝦子吳郡志有蜜蟹吳都賦有擁劍蔡寬夫詩話有魚鮓姑蘇志  
有庖鼈盧能志有水晶鱠乾隆府志有蝦子釐俗作煮陶庵夢憶有帶  
骨鮑螺皆珍品也而吳中為魚國珍品尚多均詳宣統吳縣志稿

紅爐子橋 吳地記范盧王三志均著錄 康熙志富仁坊內

醋庫 盧能志陳振孫字伯玉安吉人博通今古為浙西提舉時體祖宗  
恤民之意舉行萬戶停廢酒庫邦人至今德之按見醋庫巷下

大酒巷 吳郡圖經續記大酒巷舊名黃土曲唐時有富人修第其間植花

濱池建水檻風亭醞美酒以延賓旅其酒價頗高故名 今訛大井巷

盧王二志均著錄 吳中名酒曰五醞酒見白樂天詩集孫覿守蘇州傳  
釀法於木蘭堂謂之木蘭堂酒又有洞庭春白雲泉今其法不傳吳門補

乘蘇州酒除志所載外如陸機松醪見宋伯仁酒小史齊雲清露雙瑞見  
南宋市肆記涂氏酒見王穉登吳社編今市中雙福珍天香玉露等一味  
甜耳太湖備出東山味厚而冽可以久飲藏陳愈佳遠近尚之名曰山酒攷  
酒乾隆府志又有三白酒以麪造麪因泉水浸白米釀成故名按三白酒  
婁關顧氏創造見吳門表隱泉為白水合以白麪白米故曰三白也 吳  
郡志中隱堂在大酒巷都官員外郎分司南京龍崇元所居取樂天詩大  
隱住朝市小隱入邱樊不如作中隱隱在留司間乃作中隱堂與屯田員  
外郎陳適太子中允陳之奇游縱極文酒之樂皆耆德碩儒掛冠而歸者  
吳人謂之三考 道光志錢坫定獻之大昕從子游西安入畢沅幕與洪  
亮吉孫星衍討論訓詁地理之學授乾州州刺得疾歸卜居吳門大井里

卒

塔兒巷 姑蘇志織染局前 案北局即舊織染局在長洲縣天心橋東明

洪武初建為內監董理織染之所洪熙中先後增飾萬曆中益加整麗撤

停後漸圯清順治三年織造侍郎陳有明重修周天成設南局後改名北

局以上見宣統吳縣志稿 馮志舊於顧家橋西設北新局康熙中李煦

即北新局改建為侍郎孫岳頌賜第移北局於此咸豐十年燬

天心橋 姑蘇志織染局前宋鄭起潛所居 盧熊志肯堂郡人鄭起潛

尚書所居在天心橋又有立庵皆理宗御書 姑蘇志鄭起潛字子升

父時發閩縣人游學吳中寓居天心橋生起潛篤志力學長通易

寧宗朝登甲第累遷宗政殿說書侍讀侍講為大禮執綬官除禮部侍

郎遷中書起居舍人轉直學士權兵部尚書貶贛州起潛好浮圖說以

端午日坐逝有旨歸葬陽山 舊志小丹邱在天心里至正末陳基所

構基台人以天台曰丹邱故名戴良有記 吳人尤義撰陳基傳云方

太尉僚屬強占民廬基獨以已俸買宅天心里即舊屋數楹稍加塗墍

環植花卉之屬號小丹邱見明本夷白齋集附錄

黃土塔橋 吳地記范盧王三志均著錄 姑蘇志有黃土曲故名

北倉橋 范盧王三志均著錄 姑蘇志察院東 盧熊志引新志云府

城內有北倉橋南倉橋政和中朱勳拆北倉為養種園

寶積寺後巷 寺門向東 今邵磨針巷 盧王三志均著錄 按史記扁

鵲傳使弟子子陽厲針砭石 夢溪筆談方家以磁石磨針鋒則能指

自蘇州府志卷之四十五 姑蘇志卷之四十五 姑蘇志卷之四十五 姑蘇志卷之四十五

南是否者針有加磨勵之功者與磨鏡磨刀理同

寶積寺 吳郡志寶積教院在黃土塔橋之東舊靈巖山廨院也 盧熊

志寶積教寺在縣治西北黃土塔橋之東偏梁天監中建舊為靈巖山

廨院 按俞樾重修寶積寺記云要離故宅即塔倪巷寶積寺寺僧奉

要離為本寺伽藍語見康熙府志 紅蘭俠乘寶積寺宋古刹也有銀

杏二株喬柯積翠頗得畫意乾隆時於樹旁掘得盔甲鐵礮巨人骨木

知何代物 守詮寶積寺僧伴狂垢污而詩絕清遠嘗游西湖題梵天

寺壁日落日寒蟬鳴獨歸林下寺柴扉夜未掩片月隨行屨惟聞犬吠

聲又入青蘿去蘇子瞻見而和之云但聞煙外鐘不見煙中寺幽人行

未已草露溼芒屨惟應山頭月夜夜照來去詮遂以詩著見橫山志畧

按宣統吳縣志稿云馮志作惠詮與康乾兩志同惟錄作守詮西湖湖

游覽志又作志詮 按刊本本條下引北禪寺門左井圍題記誤以寶

相教寺為寶積教寺攷舊志云寶相教寺在縣西南七十里香山西太

湖之濱舊名寶相院古廢寺也梁大同十年重建宋大中祥符元年賜

今額明洪武中為叢林寺清順治十一年修此二字拓本不綴我故友

朱梁任先生錫梁篤行樸學之士首發明之舉以見告而初稿已刊成

不及追改特修正於此以志我過且旌善人梁公與其長君天樂同參

與再直唐朔修治啟幕典禮並罹軍閥官僚乾沒油費而歸途汽輪覆

於金雞湖口之慘難事見金松岑師天翻天放樓文集續編吳中五奇

人傳中



九勝卷 盧王二志均著錄 姑蘇志寶積寺北 盧熊志致和堂在九勝

卷洛人趙思所居又有別業在閭門之西 舊志西園在閭門之西洛人

趙思別業也張孝祥大書其扁曰古江邨中有足娛堂思宅名和致堂在

九勝卷 按吳夢窗有過花游送春古江邨詞

周太保橋 吳地記范盧王三志均著錄 姑蘇志宋慶曆三年年建 按

近志多誤合於禪興寺西橋 馮志明稅課司洪武九年自織里橋移

署大街周太保橋北

宮巷 姑蘇志玄妙觀前唐稱紫極宮故今猶名 吳郡金石目沈文宇修塔

石刻嘉祐五年九月正書舊在玄妙觀前宮巷塔中今藏古泉山館製為硯

按古泉山館為瞿中溶室名

宮橋 今稱觀橋 范盧王三志均著錄 姑蘇志玄妙觀前舊為紫極宮

故名 吳地記作天慶觀橋

棟木巷 盧熊志著錄 俗訛蓮目巷音又訛蓮蓬巷 本艸綱目棟實名

金鈴子羅願爾雅翼棟葉奇以練物故謂之棟其子如小鈴熟則黃色名

金鈴象形也按棟幹有光澤散生小白點其葉繁茂如槐初夏開澹紫花

結實似棗而小生青熟黃垂垂如鈴故名金鈴子香山志俗呼其樹為為

牛脚骨樹又曰苦棟爾雅翼以為棟之別稱非是今按樹於棟夏開小澹

綠小花莖葉嫩時鄉人采而煮之名黃棟頭茹之味苦而回甘頗似橄欖

吳俗元旦陸墓鄉人有賣黃棟頭叫雞者見清嘉錄結實如豌豆大名苦

棟子不能食見宣統吳縣志稿

真慶坊 吳郡志天慶巷

姑蘇志宮巷口

顏度字魯子充國公五十五

三世孫由唐魯公之兄子仕常熟遂為吳人舉進士以文章政事名一時仕至工部侍郎孝宗嘗謂度每出一言不動如山弟愿字叔修子叔平字景晏從子珩字景珪叔瑜字粹中叔剛字任堅皆據高第叔并字景容叔璵字器之特奏名其子孫皆住真慶坊見吳中舊事

曹家巷

盧熊志著錄

今俗稱小曹家巷

氏族人物攷證見前

顏家巷

盧熊志著錄

宣統吳縣志稿秋聲館郭梅峯轍所居自為記

今按顏家巷為著者累代舊釣游地幼時見喬木故家漸就衰息聞諸長者言巷中自繆殿撰家而外有顏公度直系子姓又有所謂東包西包者嗣讀舊志知二包同出一源皆自宋名宦包公恢出公所至破家捐去姦

吏治蠱獄理逋負政聲赫然其子孫明代有包節以御史劾逆璫謫成莊

浪衛訓蒙自給清有忠駢忠驥昆季三節烈貞孝婦而郭氏昆季轍

阪二公文采斐然梅峯又以書法著稱寒家海棠樓即梅峯秋聲館舊址

也

更亭 舊志待班亭在譙樓下東西相峙均更衣亭在東西朵城之陽宋

紹興間巡幸時建

油巷

盧熊志著錄

水圖未載甚址

新街

今觀音街

未見著錄

新街橋

克盧王三志均著錄

永福寺前

今蔡匯河頭

未見著錄

永福寺西橋 范盧王三志均作永福寺橋 康熙志以下作永福橋云  
云宮橋南

永福寺 吳郡志永福尼院在長洲縣南 吳地記永福尼院在長洲縣  
南一百六十步唐咸通年置 盧熊志永福尼院在今縣治東北唐咸  
通元置 紅蘭佚乘柴河頭湯氏監牆有中山世里四字明范允臨書

此宅係永福寺故址按柴河頭即蔡匯河頭之俗稱

北臺廂 盧熊志廡祿門職田下南一廂官一百七十三石六斗一升南二  
廂官一百九十三石一斗七升北一廂官二百三十四石一斗五升北二  
廂官二百四十九石六斗二升 朝野類要廂官之名取廡廡間分職佐  
治之義今之城南北廂比通判資序蓋比擬開封府左右四廂舊制也若

在城兵馬都監則又廡廡管押之義也故無刑禁 文獻通考宋大中祥  
符元年置京新城外八廂真宗以都門之外居民頗多舊惟赤縣尉主其  
事至是特廂吏命京府統之天禧五年增置九廂熙寧三年五月詔以京  
京朝官曾歷通判知縣者四人分治京城四廂凡民有鬪訟事輕者得以  
決遣九月詔許留後使臣一員分左右廂管勾十一月臣僚言逐廂一月  
之內斷決事件不多欲止今京朝官二月分領二廂決斷所元祐四年知  
開封謝景溫請於新城內外左右置二廂通為四廂四年罷紹聖元年復  
置紹興中臨安府先依開封例於城外南北廂置立管公事迨又於城內  
左右廂添置官二員分減在城詞訟其後臣僚言將在城左右廂廢罷其  
廂官二員移往城南北廂 按據盧熊志則蘇城亦當有四廂又攷宋史

職官志臨安府官制多與吳郡盧熊姑蘇三志同蓋高宗嘗駐驛於此陪都當於京畿同也惟本圖只載北一廂而缺其餘三廂官殊不可解其在宋季者減後立制歟 文獻通攷註紹興二十六年六月侍御史用方崇言臨安府與昔日開封府繁簡不同本府長官置吏不少見今南北廂官全缺欲乞將在城左右廂廢罷其廂官二員卻移往城北廂所有城內訟訴令本府依前自行理決從之 按據此則無怪乎陪都只有北一廂矣

珍珠巷 王志著錄 康熙志官巷中

瓶場橋 范盧王三志均著錄 同治志永福橋南

錢官人巷 王志著錄作碧鳳坊巷 康熙志顏家巷北按在蔡匯河頭

按韓昌黎集王適墓志一女憐之必嫁官人不以與凡子杜甫逢唐興

劉主簿詩劍外官人冷均指職官而言通俗編唐時惟有官者方得稱官人宋乃不然若周密武林舊事所載金四官人以墓者李大官人以書會者陳三官人以演史者喬七官人以說藥者鄧四官人以唱賺者十八官人以捕蛇者吳自牧夢梁錄又有徐官人幞頭鋪崔官人廟面鋪張官人文籍鋪傳官人牙刷鋪當時殆無不官者矣此錢官人大約亦類此

碧鳳坊 吳郡志天慶觀前 盧熊志天慶觀橋南東巷俗云錢官人巷

宣統吳縣稿引乾隆雅志涿水園在碧鳳坊布衣朱襄僑寓之所

又流寓傳朱襄字贊皇無錫人八歲有詩名能作擘窠書時人目為

神童弱冠游京師館於諸王為王所禮敬王自號紅蘭主人又酷愛裏詩海內名人又樂與交游晚年僑寓長邑之清真觀巷貧困以死尤精

易理者易章十二卷集唐詩三十首為一卷按顧五癡八愚藏書處在碧鳳坊後遷混堂巷古長慶里也見藏書紀事詩自注引何堂顧步巖階升小傳錢大昕顧相井應昌墓志銘桐井即五癡為階升子八愚名應麟亦見藏書紀事詩自注善耕橋顧氏亦五癡八愚近支族人也見靈鷲寺東橋條下

宮橋南西巷 今太監衙 未見著錄

顧周橋巷 今落瓜橋濱 未見著錄

顧周橋 今落瓜橋 范盧王三志均著錄 姑蘇志醋坊橋側

雙板橋巷 今小太平巷 未見著錄

雙板橋 吳地記板疑即此 范盧二志著錄姑蘇志以下不載按在在

蔡匯河頭口

天慶觀前 今觀前街

天慶觀 吳地記天慶觀在縣西南一百五十步唐開元中置為開元觀

宋至道中改玉清道觀大中祥符二年改今額元元貞元年改元妙觀

吳郡圖經續記天慶觀唐置為開元宮孫儒之亂四面皆為煨燼惟

三門正殿存焉其後復條祥符中更名天慶觀皇祐間新作三門尤峻

壯 吳郡志天慶觀在長洲縣西南即唐開元觀也兵火前棟宇最為

宏麗紹興十六年郡守王暎重作西廊畫靈寶度人經變相召畫史工

山林人物樓櫓花木各專一技者分任其事極其工緻淳熙六年聖祖

殿火提刑趙伯驥攝郡重建三清殿淳熙三年郡守陳峴建初道士募

緣御前亦有所賜始克成就八年至尊壽皇聖帝賜御書金闕東陽寶殿六字為殿額伯驕有跋語郡人龔頤正作上梁文以進壽皇嘉馬觀中有金寶牌真宗所賜永鎮於地者兵火獨全六朝舊物也殿後通神庵淳熙八年左街道錄李若濟奉命建庵額三字亦御書先是有何道人者自紹興初往來提舉司或觀前真武堂中披髮顛狂以蓑衣蔽形故號蓑衣道人寒暑不避不與人親或云時一語中人災福有兩朝間遣使降香問其安否然庵則未始遷也 盧熊志玄妙觀在府城慶坊北晉時號真慶道院唐為開元宮宋為天慶觀元貞元年改今名 姑蘇志玄妙觀在長洲縣東北唐名開元宮宋改天慶觀建炎中燬於兵紹興十六年重建元貞元年始改今額東廡通神庵有高孝

廟問安書及金字牙牌洪武中清理道教為正一叢林置道紀司於此正統間造彌羅閣賜道藏經 朝野類要天慶觀諸州皆置建云所以奉聖祖天尊大帝 宣統吳縣志稿太乙宮在郡中或傳在報恩寺之側宋太平興國中方士楚芝蘭言五福太乙天之尊神也太乙所在之處人豐樂而無兵疫凡行五宮四十五年一移以數推之當在吳越分請就其地築宮以祀之奏可六年十月蘇州言太乙宮成芝蘭又言都城東南地名蘇邨可徙築宮於此以應蘇臺之名則福集帝都矣太宗從之作太乙宮於都城之南而蘇之宮遂廢姑蘇志引中興紀聞云今天慶觀乃其舊地郡人猶稱宮巷觀前志稿按語云天慶觀乃唐之開元宮豈當時即以開元宮改創耶 盧熊志宋淳熙中天慶觀造微神

神廟後井得鐵器文曰頌王將鍾離昧後為甲仗庫鎮庫鐵槍 同治  
府志引姑蘇葉參少卿七檜堂在天慶觀東嘗守吳既謝事因居焉作在  
作此堂以佚老見其子清臣在大官范仲淹有題七檜堂詩 宋宋人天  
慶觀石柱題字迴功郎致仕高收捨石柱礫五副平江府吳縣胥臺鄉  
水瀆鎮居住口全女弟子口氏口二娘法名妙道謹施錢五十貫文足  
置石柱一副報答四恩三有保扶身位安康增延福壽并保扶男女福  
壽延長口口府長洲縣樂安下鄉香花橋口街東居住奉道弟子守  
湖州助教王充妻錢氏圓信姪永年永之男永譽永錫等捨殿柱礫壹  
副答四恩三宥仍願家眷女寧者 奉道弟子伯周口同女弟子楊氏  
妙淨謹將亡過臧氏三八娘房下奩具貨賣淨財置造石柱并礫壹副集

集茲功德仗口口薦神魂超昇法界者 李州嘉興縣五福鄉奉道弟  
子口功郎陳學古男宣教郎口口口口師正迴功信州口口口文口石柱  
柱一口保扶口口口口為如意 太上正一長生保命護身秘錄弟  
子臣沈公邁同妻太上赤天星河金橋度化秘錄女弟子妻徐氏悟真  
男臣伯振謹發誠心捨石柱礫一副所求願心圓滿 平江府長洲縣  
道義鄉眾善口南口東居住奉道弟子朱振并妻張氏四七娘家眷等  
施錢伍拾貫足置石柱礫一副追薦先攷朱四三郎妣周氏廿六娘法  
名悟真丈人張十八大錄丈母沈氏六娘超升天界仍為振同妻口氏  
各口罪愆解釋冤業口願保扶家眷大小咸安者 宣教郎新差知泰  
州海陵縣黃敏脩捨錢伍拾貫文足置石柱一副追薦先考千中奉亡

前妻千三娘子超生仙界者 管內都道正口天慶口口口口謹  
置石礫所口功德口用口口先口夏知觀先考口口先妣曹氏魂儀  
超昇口口淳熙三年歲丙口十二月日題見潘志萬金石補編

聞德坊

吳郡志周太尉橋東

盧熊志周太保橋東武狀元周虎圖經在

吳縣

馮志明北察院在聞德坊即元海運都漕運萬戶府至正末張士

誠改分樞密洪武九年知府吳質改建後有池亭東為射圃其右即元渠

渠堰所亦稱北西察院又監兌衙門在北察院今廢

關王廟

姑蘇志關王廟祀漢壽亭侯關雲長也在武狀元坊東大街元甲

午歲道士李原祐建

石志關帝廟在臥龍街周太保橋北宋淳熙中建

廟

按姑蘇志元甲午歲頗不辭石志淳熙中云者不知何所據疑姑蘇

志元字上有奪文一或淳熙元年甲午歲耳 舊志載報恩寺石柱題字

文曰平江府長洲縣樂安下鄉關王廟北街東居住奉三寶弟子萬應云

云乾道三年七月二十勸緣僧懷悚

醋坊橋

吳地記祥符圖經范盧二志均著錄

姑蘇志治平己巳建

同

同治志至元二十四年重建

盧熊志閑貴堂在醋坊橋東本蕭氏雙堂

也既為周虎所得遂易今名後有臺環以古柱數千本名曰凌霜宅東又

有陂陀立亭其上曰己高其地即九曲牆巷 姑蘇志周瑜故宅在醋坊

橋東舊名九曲牆巷

中吳紀聞賀鑄字方回本山陰人徙姑姑之醋坊

橋有小築在盤門之南寸餘里地名橫塘方回往來其間盧熊志不誤今

姑附此以備一說

治平二年重建醋坊橋碑記治平己巳歲八月十五



日勸緣天慶觀主兼監庫道士方希辨題都勸緣觀內道正賜紫孔應期  
立石 顧湘舟玄妙觀志重修醋坊橋題記大乘院僧智淨募緣到施主  
錢米并自己衣資重新建造醋坊橋至元丁亥年□月□□日立

大雲坊巷 盧王二志均著錄 吳郡金石目張成等義井題記紹熙□年  
五月後有嘉定改元寶祐四年重修題字皆正書在玄妙觀大匠坊巷按  
井闌後為姚彥侍文伯觀元所得藏蕭家巷富邱咫進齋後寒秀州堂庭  
前雲誤臣

大雲坊 祥符圖經著錄 吳郡志天慶觀西林慮所居慮自號大雲翁  
又林慮字德祖旦之子好古嗜學擢第累遷朝奉郎太學錄開封府  
司錄以府尹不之禮移疾告歸不復出仕所居在大雲坊因自號大雲

翁屏置朝章不入州縣先達稱其高有大雲集百卷神宗聖訓十卷

盧熊志賢行齋在大雲坊林慮所居朱伯原記慮字德祖號大雲翁

寧國寺 吳地記寧國尼寺在縣西南一里五十步□建隆二年置為永

安院祥符二年改今額 吳郡志寧國尼禪院在天慶觀西南 紅蘭

逸乘玄妙觀西劉進士宅中有石井闌銘曰宋朝寧國寺井蓋其寺址

也此寺蓋燬於宋末兵亂今宅前竹葉瑪瑙旂竿整及門旁滾石俱舊

物 按吳地記者錄寧國寺橋

廣化寺橋 范盧王三志均著錄 康熙志舊縣治西 吳郡金石目方方

氏口娘造橋題記紹熙四年二月正書在玄妙觀西南廣化寺橋洞內

社壇巷 盧熊志著錄

縣社壇 長洲縣社稷壇在縣解西南四十九步慶元四年知縣黃宜修  
孫應時記淳祐元年趙汝璋闢地立屋又一新之寶章閣待制李心傳  
記

土聖巷 未見著錄

徐鬼橋 范廬二志均訛作徐鬼橋涉形似而訛也以吳地記姑蘇志徐  
貴子橋證之從本圖作鬼為是楊循吉吳邑志學道書院下作徐季子  
橋不知何據 按徐季子橋南今有井巷吳門表隱云磨盤井巷路旁  
有古石磨盤一古井一皆宋時舊物以鎮里中不可移動原註云引李  
鐵記 附近有清真觀在玄妙觀東元皇慶元年建初為道院至正十  
三年賜今額周伯琦記清布衣朱裏寓此事詳碧鳳坊條下其所居巷

名即稱清真觀巷 按吳邑志所攷頗近是於理吳音鬼貴季均音近  
若本圖作思則後人誤聲耳

喬司空巷 盧王二志均著錄 舊志引吳郡志參宋史喬行簡字壽鵬東  
陽人嘉定十二年自淮西提舉常平移浙西提刑節制許浦水軍又兼權  
平江府尋除直祕閣知鎮江府仍兼提刑十四年除司業後拜左丞相卒  
諡文惠行簡歷練老成識量宏遠居官事無不言好薦多至顯達按宋以  
前土著無喬氏顯達人物疑此巷即行簡所居特官工部無攷證耳  
崇義坊 吳郡志禪興寺橋南 祥符圖經著錄 吳地記作從義 馮  
志明漕運分司在察院後崇義坊即元海運千戶所改建以待運司僱  
運按廣韻僱聚也說文作最

四通橋 范盧二志均著錄 吳郡志紹興二十六年建 姑蘇志乘魚  
坊內 吳門表隱駕鸞樓在四通橋西為戚氏書樓名姬穆素徽居之  
故名穆駕鸞樓穆名美居秀野堂側又有西樓在通和坊溫將軍廟西  
穆亦嘗居

禪興寺橋 吳地記者錄 吳郡志作禪興寺西橋誤當作後橋 姑蘇  
志作禪興寺後橋云郡城臥龍街 康熙志禪興寺橋吳長二縣合治  
馮志明行用寶鈔庫在禪興寺橋南即元準行用北庫 舊志禪  
興寺橋題記正書後至元三年四月

乘鯉坊巷 今俗名因果巷 盧王二志均著錄 姑蘇志乘鯉坊巷俗名  
鸚鵡巷 宣統吳縣志稿吳太守雲先居虎丘後移居因果巷按太守寓

宅晚年在金太史場所謂聽楓園者也見金太史場條下

乘鯉坊 吳郡志張馬步橋南 姑蘇志梁朝公主墓在乘鯉坊即傳法  
尼寺後大土邱也相傳梁武帝女出降郡人孫瑒寺其故宅也尚祀之  
稱為妙嚴公主寺西路百步許河濱有石馬號石馬匯即其神道 宣  
統吳縣志稿都南張公祠舊在長洲乘鯉坊東乾隆志都南張公字字  
尚書建昌軍南城人端平朝進士初任平江倡義衛民政績大著尋遷  
興化軍聞文信國公開督府勤王率師以應信國公師清公奮力拒戰  
身受數創猶及十餘敵被執死信國公哭之有絕域恥為吳地辱封疆  
甘作宋忠臣之句子洛居吳因建祠

傳法寺 吳地記傳法尼寺在縣西一里唐大中五年置後廢梁乾化六

年重置為禪興寺祥符二年改今額 吳郡志傳法尼寺在常洲縣西  
舊禪興寺也 姑蘇志傳法寺在乘鯉坊內舊名禪興寺大中祥符元  
年改今額相傳梁天監二年刺史孫文捨宅建或云孫瑒瑒尚主寺後  
有妙嚴公主墓別有妙嚴寺亦瑒所建 吳門表隱王整復禪興寺記  
畧梁武帝女公主妙嚴下嫁郡人孫瑒並修梵行異室以居瑒居西曰  
禪興公主居東曰妙嚴址周各四千一百三十五丈天監二年建毀則  
葬於寺內廟震濤按語云公主墓今在息園中孫家園有大阜疑即瑒  
墓其後興廢併合不一明正德丁丑併廣化寺為學寺僧恩露徙居興  
復云 紅蘭使乘梁孫駙馬園在閭邱坊有古樹杼腹擁腫風清月白  
夜輒聞池中有彈琴聲或以小石投之樹孔中洞然水聲後有機匠沈

沈阿蘭為小竊匿其中遂為里人所去

妙嚴寺 吳地記妙嚴尼禪院在縣西五十步太平興國元年置 吳郡

志妙嚴尼院在長洲縣西北

絃歌里巷 盧王二志均著錄 康熙志俗名舊學前 盧熊志學道書院

祠吳公言偃在府城東北隅今長洲縣學之南至元二十九年集賢學士  
閻公復浙西廉訪使徐公琰在吳更議爽塏山長郡人祖宗震金德修共  
買徐青子橋高氏園第改創奉安聖賢遺象即今書院也按書院原在武  
狀元坊普賢院故址故曰改創也吳郡志常熟一名琴川本絃歌之說也  
是絃歌里之名一若始於元初者然攷盧熊志鄉都門樂安鄉仁壽里之  
已早有清波鄉絃歌里之名且吳郡金石目下載財帛司廟前井闌題字

早在嘉定辛巳其施主所居里巷已有弦歌里之名是宋立學之後已早有弦歌里之名也遷言之廟於此里之南不過因勢利道耳續吳郡文粹學橋在府治東北子游巷口舊名言偃橋又名醋庫宋慶歷五年錄事夏秀建明初里人陳負重建黃士毅銘按醋庫可過一音之轉未知孰是頗疑北宋或在是 馮志錢慶增泳從孫長六朝文中年來往吳門寓舊學前周氏祠 又錢近仁崑山人少孤負流轉至蘇城於舊學前文丞相祠西數十步僦屋數間居之以補復為業得錢從人讀書 宣統吳縣志稿周元公祠在半十九都正一圖弦歌里今名舊學前 吳郡金石目財帛司廟前井闌題字嘉定辛巳四月正書在明澤橋北中有稱弦歌里西菓行等名不見於志按吳郡志和豐坊未行又著錄果子行橋攷姑蘇志和

和豐坊西館橋西側宣統吳縣志稿云攷平江圖坊在西米巷口南菓子行橋在西竺寺橋 按此與集祥里人義泉題記疑即一井而二刻宋人開井修井例須一再而三四題記此作嘉定辛巳彼作淳祐庚戌吳郡金石目分見二條下藝風堂金石目有淳祐無嘉定金石著錄家藏有拓本則備書之不則錄其一闕其一亦事理之常同治府志亦有淳祐而無嘉定方志家著錄不周則屬遺憾拙纂宣統吳縣志稿金石門雖備錄兩刻按語亦未能洞見此理特為補正於此以為桑榆暮景之攷攷集祥里在宋元吳縣境絃歌里在長洲境則兩刻雖在同一井闌而異人異地蓋兩次重修各別施捨攷古者不可不明此例也  
縣東橋 吳地記范盧二志均著錄 姑蘇志縣橋長洲舊縣治東故又

名縣東橋 盧熊志俗云石底

縣前橋 范志著錄 盧熊志長洲縣前橋不通舟語云長洲縣前難

過淳祐中縣官改作取韓吏部語名可過 姑蘇志作可過橋 橋闌

青石有己亥臘月陳文庫造字

金獅子橋 范盧王三志均著錄 康熙志皮市西

廣化寺 吳地記廣化寺在縣西梁貞明二年錢氏置為崇英院祥符二

年改今額 吳郡圖經續記廣化禪院在長洲縣西錢氏時大校捨所

居以置久而推敞自嘉祐以來稍稍繕完門廡嚴新有藏院所以安眾

吳郡志廣化寺在長洲縣西一十步梁乾元三年諸葛氏捨宅為之

名崇英禪院本朝大中祥符元年改賜今額中更兵火夷為煨燼都僧

正清立以醫藥利施一方所得貲不以厚其藏而以建大殿塑三世佛

大菩薩并建齋堂十方佛殿淳熙二年其徒復以餘橐榷經樓龕願正

為之記其畧如此 中吳紀聞徐師閔字聖徒仕至朝議大夫退老於

家日治園亭以文酒自娛樂時太子少保元公絳正議大夫程公師孟

朝議大夫閻邱公孝終亦以安車歸老因相與繼會昌洛中故事作九

老會章姑為郡守大置酒合樂會諸老於廣化寺又有朝請大夫王琬

承議郎通判蘇溫與馬公賦詩為信諸公皆屬而和之以為吳門盛事

紅蘭佚乘廣化寺橋南塊有井銘嘉定改元六月今按此刻後歸蕭

家巷寓公姚覲置齋前假山旁近為其後人移去不詳所在

廣化寺後橋 范盧王三志及吳地記均著錄 康熙志以下不載

長洲縣 吳郡志長洲縣在府治之北三里長洲縣分自吳縣自唐以來  
為名邑本朝王禹偁嘗為之宰哦詠最多邑望益高縣前有茂苑歲寒  
二堂掬月蟠翠二亭 盧熊志宋縣治在府治後東北三里蓋本府所  
屬縣惟吳長洲二縣埒於城故縣治立於此縣樓知縣廳紹興初重建  
祥符圖經縣令廡舍在州東北一里二十步 吳郡志蟠翠亭仲仲并建  
呂存中重修龍頤正記 盧熊志淳熙五年呂存中重修 吳郡志企  
賢堂在縣治淳熙九年知縣曾果求王元之象於虎邱繪之堂上黃由  
之跋 盧熊志茂苑堂在廳事之東紹興九年石理重建中有百花亭  
尊美堂維摩丈室綠野軒絲筠庵米友仁記淳熙九年曾果繪王元之  
象以祀改曰企賢慶元中復舊名 又秦民堂在縣圃淳祐十年龍溪

建取王元之詩命名 芳秀樓在廳事後寶祐五年李念祖建 舊志  
蓬齋在長洲縣東北進士周沔所居與方子通為鄰沔字朝宗子通名  
惟深本莆田人父龜年為屯田員外郎卒葬長洲家焉授興化軍助教  
歸隱故廬部使守帥恒即其廬訪之宅在城東

縣丞廳 盧熊志丞廳在縣治西淳熙初重建方村為記

主簿廳 盧熊志祥符圖經云在縣西一十步紹興十七年知縣尹機重

建慶元六年黃士特白於知縣黃宜復作新之 姑蘇志主簿廳窳瀆

縣西 吳郡金石目重修長洲縣主簿廳記慶元六年庚申二月長樂

黃士特記山陰孫應時書行書後義盧瑑隸額在長洲縣學儀們東壁

資福廟 未詳沿革說見西南隅飲馬橋資福東院下 按資福廟埒近

圓通橋則寺廟兩名并立可知如中街路仁風坊劉猛將廟之為吉祥庵韓蘄王廟之為寶藏庵義金廟之為義金庵忠烈廟之為白雲寺包山廟之為祇寺廟靈廟之初為上善庵靈濟廟之在陽山澄照寺此例官例極多特不知資福何神城東北隅圓通庵之源流何如耳吳郡城中之圓通一為永天寺子院一為東南隅之古圓通庵均與此無涉而資福廟則飲馬橋亦有之名曰資福東院

圓通橋 按本圖在南新橋西南側范盧王三志均失載

閣邱坊巷 盧王二志均著錄 宣統吳縣志稿雅園在史家巷南攷功郎顧子咸築即檉林小隱水木停泓南池遺意亭尤幽勝予咸自記云予家茲里里有曠土俗呼野園予拮据數年粗成小築易野為雅從吳語也

其西檉林小隱為予咸宅今俱廢依園在閣邱坊巷南知新會縣顧嗣協所構以與父子咸雅園相依得名褚篆有記園中有土岬然云是蕭梁時妙嚴公主墓因築妙嚴臺妙嚴亭以彰之復有話雨軒暢軒學詩諸勝每集四方騷人韻士為勝會金侃潘鏗黃玠玠一作份古彬字金貴蔡元翼曹基與之往還酬唱最多時人目為依園七子今園廢有依園里遺址俗呼妙嚴墓為薛娘墳因訛為薛家園秀野園在閣邱坊巷依園東庶常顧嗣立選元詩處有秀野軒堂大小雅堂因樹亭野人舟閣丘小圃諸築嗣立以風雅負天下望聚賓朋酬唱於此極風流文譙之盛葉燮朱彝尊並為之記文點禹之鼎王原祁黃玠為作圖卷息園在閣丘坊巷即顧氏依園舊址乾隆中刑部員外郎蔣曰樑戶部員外郎楊大琛先後居此後錢



槃溪購而葺之中有妙嚴臺嘉慶十三年濬池得古碣是四至界牌知唐  
宋時尚有防護也中有武肅王分祠嘉慶十六年裔孫鋒建慶保記事亦  
見復園叢話

閻邱坊 吳郡志張馬步橋北 盧熊志朝議大夫閻丘孝終所居故以  
表之 吳郡志閻丘孝終字公顯郡人嘗守黃州蘇文忠公在東坡時  
與交從甚密公後經徙必訪孝終賦詩為樂孝終既掛冠與諸名人者  
艾為九老會 姑蘇志孝終嘗知黃州作棲霞樓為野中勝絕未幾掛  
冠歸與崇大年輩以耆德著稱鄉里蘇軾云蘇州有二丘不到虎丘即  
到閻丘其為名流推重如此 盧熊志閻邱孝終宅在張馬步橋北又  
安郡王府在閻丘坊孟忠厚所居有靜寄堂清心亭萬卷堂等扁皆孝

孝宗御題後有藏春園 姑蘇志孟忠厚字仁仲其先汝州人昭慈聖  
獻太后兄子也靖康元年知海州東京陷持后書遣康王王即位後以  
保寧軍節度使判平江改紹興浙東安撫使忠厚遠避權勢不敢以私  
干朝廷

院子橋 范盧王三志均著錄

祥符寺東橋 今名祥符寺橋 范盧王三志均著錄

靈鷲寺西橋 姑蘇志作靈鷲寺橋 康熙志鶴舞橋北 吳地記范盧

二志均著錄

祥符寺巷 盧王二志均著錄 宣統吳縣志稿先機道院一名軒轅宮在  
祥符寺巷宋元豐初建 又隨安廬在祥符寺巷處士亢樹滋所居自為

記

祥符寺橋 吳郡志著錄 盧熊志大街 姑蘇志宋嘉祐四年建

祥符寺 吳地記大中祥符尼寺在縣西北一里半梁天監二年置後廢

梁龍德二年復置為福田寺 吳郡志大中祥符尼寺在長洲縣西北

舊福田寺 宣統吳縣志稿祥符寺即西竺寺吳郡志舊保壽院盧熊

志西竺尼院在祥符寺巷舊志在平權坊唐大中間郡人司馬厚捨宅

置初名馬禪為比丘尼所居居民改寶慶院宋大中祥符初改今名明

初改為僧寺嘉靖間廢清康熙中僧載之建大悲閣咸豐十年地同治

中重修亦猶開元報恩兩寺之易地重建也

鶴舞橋 吳地記夫羞女勝玉出群日仙鶴舞引羣鳴於市因號橋曰鶴

舞或又云春申君所立也 范盧王三志均著錄 按謝氏詩源云孫

吳時二鶴集舞於此飛至楓橋東化為鳳凰因名其橋 姑蘇志鄭虎

臣宅在鶴舞橋東居第甚盛號鄭半州四時飲饌各有品目著集珍日

用一卷并元夕閨燈寶錄一卷皆言其奢侈於饜飲也當宋末殺賈似

道於水棉庵即其人也 盧熊志虎臣名景名

故市巷 盧王二志均著錄 姑蘇志俗名袴子巷

西章家橋巷 盧熊志著錄作莊家橋巷王志著錄如此今訛裝駕橋巷

盧熊志氏族門嘉祐中浦城章淦為蘇州教官就居於此故南北二族淦

居城北號北章惇居城南號南章其後二氏甚盛

西章家橋 范盧王三志均著錄 橋西南有小塔 盧熊志大街 姑

蘇志祥符二年重建

皮市上 今皮市街 康熙志自天妃宮直南至玄妙觀西俱稱皮市上

中路橋 今天妃宮橋 范盧二志均著錄 按姑蘇志稱天妃宮前大德

元年建疑重建 舊志天妃宮在郡北中路橋盧熊志即章濠家廟子孫

因權要侵其地遂獻於官以建廟而立家廟於側宋宣和五年賜廟額順

濟紹興二十六年封孺惠夫人賜廟額靈應元泰定五年給帑重修 天

妃宮迎送神曲石刻黃向撰董復書泰定四年七月在郡北天妃宮 天

妃宮碑柯九思撰書同上 重建天妃宮碑鄭元祐撰書至正二年同上

見續吳都文粹

縣後卷 今史家巷未見著錄

樂鼓巷 王志著錄 康熙志史家巷南小街按疑即今板壁街 宣統

吳縣志稿吳中以善作樂器著金石絲竹匏土革木無不備具今按此

第言鼓者大約以鼓無當於五聲弗得弗和故以之為表率耳

南新橋 今曹胡徐橋 范盧二志均著錄 姑蘇志作曹胡徐橋 今

按南新橋題記云火宋歲次辛巳嘉定十四年仲冬十一月朔十五日

重新改造南新橋幹緣人蔣世榮王濬謹題都幹緣僧了操

花花橋巷 今西橋巷 盧王二志均著錄 吳門表隱山茶樹頭在東花

花橋巷東元人所植今在尼庵中 宣統吳縣志稿西園在西花橋巷編

修潘遵祁所居吳嘉塗有記

花橋 盧熊志唐白刺史揚州驛裏夢蘇州夢到花橋水閣頭即此

東故市巷 今西白塔子巷 王志著錄 宣統吳縣志稿白鶴觀在西白塔子巷鶴舞橋東相傳宋時其地為信安郡王孟忠厚藏春園

東章家橋巷 同治府志潘儒巷舊名潘時用巷在獅林寺巷北相傳宋章綜居此故又章家橋巷元潘元紹又居之宅其廣左右皆有別業獅子林在焉 宣統吳縣志稿任晦園池松陵集云吳有前經縣尉任晦者其居有深林曲沼危亭幽砌余退公之暇必造以息焉盧熊志陸龜蒙詩吳之辟疆園在首勝概敵不知佳境在盡付任君宅疑即辟疆故居見同治府志引或云即辟疆園實在潘儒巷今任敬子祠東宋為任氏園因建祠元為潘元紹別宅明屬徐姓无姓後廢為民居見吳門表隱 喬夢符散曲 撫遺輯得殿前歡里西瑛號懶雲窩奉和引屬鶚刻小令曲後記云天西

瑛善吹簫葉所居懶雲窩在吳城東北隅去天如禪師維則獅子林半里許又如作簫葉引贈之屬氏又錄太平樂府所載里西瑛原唱及貫雲石衛玄中吳西逸三人和作於後

東章家橋 范盧王三志均著錄 康熙志白塔子橋舊名東章家橋

馮志金石門白塔子橋有咸淳五年二月重建字吳郡金石日常熟縣將仕郎朱口典重建白塔子橋記咸淳五年三月初六日正書在橋洞內橋名不見於平江圖按瞿氏未改章家橋源流故誤會如此

碎銀巷 康熙志白塔子巷北今謝衙前 錢穀續吳都文粹註謝衙前明指揮翰定即潘元紹後園

靈鷲寺 吳地記靈鷲院在縣北三百步梁乾化三年錢氏改為永光院

伍福 臨川人字天錫

咸寧縣陝西通志

羊野纂聞三吳水利論

按四年提要作伍餘福茲據

臨川縣志

祥符中改今額 吳郡志靈鷲寺在長洲縣北舊永光院 姑蘇志靈鷲教寺在城東北隅舊名永光院又名東林院梁天監中僧永光建明伍餘福羊野纂聞余家靈鷲寺橋之東陸氏瀕河石岸有魚王石桃花水漲鯉千百來朝後陸氏以築冰窖重甃石岸得一石半枕於河長圓類鷲卵所謂魚石也洩其靈魚遂絕

靈鷲寺東橋 吳郡志盧熊志未載 按康熙志志云善耕橋白子橋北即此又按姑蘇志仁壽橋碎金巷東元和志醉金巷白塔子巷南此橋不知今在何處 藏書紀事記有顧肇聲捷者其藏書處在善耕橋士禮居藏書題跋記言舊鈔寒翠集每葉闌外有善耕橋顧氏文房六字前鈐顧肇聲讀書記印

碎金巷 盧熊志著錄 姑蘇志仁壽橋碎金巷口按橋燬於太平之役

本圖未載其址

任蔣巷 王志著錄如此盧熊志著錄作廟巷今名正作廟巷 按後漢書言任延為會稽都尉能得士心蔣漸遊莽亂徙吳中大皇里是巷當以任蔣兩廟得義而方志顧以任侯為考昇將侯為子文未詳其朔

任蔣橋 范盧王三志均著錄 姑蘇志嘉定十四年建 士禮居藏書題跋記懷古書屋在任蔣橋顧若霖兩時建孫珊聽玉遷華陽橋亦見藏書紀事詩註 宣統吳縣志稿丁氏家乘敦葺河房在任蔣橋後河河建平教諭丁鎡即其父贈知縣諸生聞郭墓旁建為廬墓所

西北街 未見著錄 宣統吳縣志稿宗伯韓世能宅在北街左右皆有跨街

東故市巷

今西白塔子巷

王志著錄

宣統吳縣志稿白鶴觀在西

牌坊今名韓衙潭子河頭

香花橋 吳郡志未著錄

祥符圖經作報恩寺前橋

姑蘇志香花橋在

報恩寺前一名永安橋

寰宇訪碑錄報恩寺香花橋記正書無年月

按碑尚在橋拱中

報恩寺

吳地記報恩寺在縣西北一里半吳赤烏二年置後廢周顯德二

年重置

吳郡志報恩寺在長洲縣西北即吳先主母吳夫人捨宅所建

通元寺基也支硎山亦有報恩寺或云錢氏建移額於此寺有小院五曰

文殊曰法華曰泗州曰水陸曰普賢有塔十一級兵燹後有行者金大圓

募衆復建僅能九級所費計數十萬緡寺有臥佛北人多呼為臥佛寺舊

又有不染塵觀音象高數丈今復塑者徒存其名云 盧熊志報恩賢首

教寺在今縣治東北半居長洲縣界即吳先主母吳夫人捨宅所建通玄

寺基也或云支硎山有報恩寺後錢氏重建此寺移額名之舊有小院五

曰文殊曰法華曰泗州曰水陸曰普賢今皆不存舊建浮屠十一級兵燹

後有徐者金大圓募衆復建僅能九級寺有不染塵觀音象高數丈今復

塑徒存其名大殿後高閣五間下有臥佛人因稱為臥佛寺 姑蘇志報

恩講寺在城北陸故呼此寺即通玄寺舊基吳越錢氏移支硎山報恩寺

改建於北宋崇寧中加萬歲尊尊為賢首教寺舊有子院曰文殊曰泗州

曰水陸又有曰法華曰普賢今皆廢浮圖十一級兵燹後行者金大圓募

建九級又有不染塵觀音殿宋邊知白記後殿七楹下塑釋迦滅度象長

六十六尺高十二尺張士誠據吳以臥佛非祥更造立象國初僧復之宋

濂樸碑宋張即之書華嚴性海四字皆徑丈刻傍猶存舊志法華院石  
壁經碑文在報恩寺子院宋高僧傳楚南閩人也髫齡投蘇開元寺曇  
藹師受訓後詣姑蘇報恩寺專行禪定足不踰閩二十年乾符四年蘇州  
太守周慎嗣請住寶林院又請居支硎山昭宗聞其道化賜鹿胎衣五事  
清光緒中釋敏熾著有蘇州北寺報恩塔志士紳吳韶生為之叙錄按  
是書標題實不辭當作蘇州報恩北寺塔志或蘇州報恩賢首教寺志且  
志以載寺廟沿革非載一塔與廢稱塔志不及稱寺志之善按宣統吳  
縣志稿祠宇門據舊志載韓公祠在亭四圍沙河頭祀明吏部侍郎韓世  
能今廢鄉鎮門樂安下鄉仁壽里管圍一亭四圍城內齊門下塘臨頓路  
南至任蔣橋為止皮市街上岸北園花豁則沙河塘在北園花豁間故祠

圖有遙望北寺古塔風景也 攷夢窗甲稿醉桃源贈盧長笛云沙河塘  
上舊游嬉盧郎年少時又云吳苑草淒淒倚樓人未歸與丙稿繞佛閣與  
沈野逸東皋天街盧樓追涼小飲朱祖謀小箋以為錢唐縣南五里之沙  
河塘按北寺塔北首亦有沙河塘華陽橋韓氏世傳高澹游簡繪沙河塘  
祠宇圖為聽鐘樓主人韓是升作合以吳人至今猶稱是地為沙河塘而  
流入市中時余嘗見之圖中正繪北寺古塔鐵證顯然疑吳苑淒淒夢  
窗正顯言盧郎自少至老猶在蘇州沙河塘而未歸錢唐家樓耳

石塘巷 姑蘇志北寺東按康熙志作北寺北誤

東石塘橋 范盧二志均著錄 姑蘇志作石塘橋 同治志在報恩寺

東咸淳五年建有石刻字

官河巷 姑蘇志天妃宮前 康熙志亦名官庫巷 李模撰燼餘錄序徐

大埠吳縣人元初居桃花塢慶雲里即今官庫巷 燼餘錄城陷前慶雲

里陳明叔家吉祥州梅園書帶州均長丈餘披拂及檐北兵至兩家多自

經者太湖鼠千萬成羣登岸食稼不知自來亦一奇也 又慶雲亭在東

荷池東荷池亭額為岳少保手筆兀朮之難梅章園林鞠為茂州亭以偏

偏東獨存地接慶雲里東皆農田菜花黃時士女如雲文丞相微時道出

平江嘗題亭壁有一片黃雲萬頃田江南父老慶豐年之句時張少保尚

隨某軍府使令適亦過此兩賢相見自此始

狄勝橋 范盧王三志均著錄康熙志狄作迪訛

車園巷 姑蘇志寶光寺西按即今石皮街

北觀音院前 未見著錄

北觀音院 朱德潤存復齋集河西僧惠廣信觀音庵疏觀音庵在府治之

北垣

北新橋巷 王志著錄作新橋巷齊門內

北新橋 范盧二志均著錄姑蘇志誤作北僂橋

洋澳橋巷 今齊門下塘未見著錄 自盧熊志以下均載提舉淮浙澳間

崇寧元年置特未詳其署址所在疑洋澳與有聯繫

洋澳橋 范盧王三志均失載

華家橋 范盧二志著錄姑蘇志失載

齊門路 未見著錄 宣統吳縣志稿忠臣曹遜宅在齊門路南



程橋 姑蘇志程橋二一近婁門一近齊門吳郡志僅載程家橋一與棧橋  
相次

跨塘橋 范盧王三志均著錄同治志作定跨橋誤攷本圖定跨橋即今訛  
為平化橋者 淳熙癸卯曹曾經撰橋記 吳郡圖經續記亦著錄定跨橋  
北禪寺前 未見著錄今有寺前濱

北禪寺 吳郡圖經續記大慈院在長洲縣北唐咸通三年陸侍御以宅  
為院號為北禪祥符中改今額皮陸有北禪避暑聯句註云院首為戴  
顥宅後司勳陸郎中居之即此是也 吳郡志大慈寺在長洲縣北皮  
陸集云晉戴顥宅也至唐司勳陸郎中居之後以為寺號北禪院 吳  
地記乾元寺晉高士戴顥舍宅置乾元初蘇州節度採訪使鄭桂清書

寺額奉敕依年號為乾元寺 盧熊志北禪天台教寺在今縣治北齊  
門內 姑蘇志北禪講寺在齊門內晉戴顥宅也唐司勳陸郎中居此  
後以為寺號北禪院按吳郡志乾元寺唐有之今不知所在然顧況以  
乾元寺為晉戴逵宅而皮陸集又以北禪寺為戴顥宅據此則今北禪  
即古乾元寺宋祥符初賜名大慈盧燬於兵洪武中重建寺有大通閣  
趙孟頫記觀堂黃縉記兩華堂禁蛙池 吳郡志戴顥字仲若父達隱  
遜有高名顥以父不仕復修其業自桐廬徙居吳下士人共為築室聚  
石引泉植林開澗步時繁密有若自然乃述莊周大旨著逍遙論禮記  
中庸篇三吳守將及郡內子衣冠要其同游野澤湛行便去不為矯介  
國初建避召並不就文帝每欲見之嘗謂黃門侍郎張敷曰吾東巡之

日當宴戴公山下也 盧熊志晉高士戴顓宅唐司勳郎中陸游所居  
今北禪寺花橋水閣見白樂天寄馮侍御詩今鄭大卿於此作水閣以  
追故事 燼餘錄大慈寺在東北園晉高士戴逵故居逵子顓捨宅之  
半為乾元寺其半歸陸司勳唐咸通中陸亦捨為北禪寺祥符中兼有  
乾元之地大起殿宇勅賜今名旁闢池亭納皮陸詩石四圍栽樹花木  
一時稱盛游人過章園梅園者必一至其地因稱為東北園建炎之難  
為兀術偏將所據東城老樛盡就戮於此積薪焚屍寺亦俱燼

安安齊王廟 宣統吳縣志稿安安齊王廟在齊門內北園漁郎橋浜神為安  
萬年元末張士誠破齊門萬年拒戰死故土人以為社神明洪熙初建清  
同治中重建又外安齊王廟在齊門外東匯祀後唐中書令安重晦清初

建庚申燬後重建 按內安齊王廟已見於本圖則近志所言為不實疑  
內祀安重晦而外祀安萬年耳

廟堂橋 范盧二志均著錄

北禪寺東橋 寺西橋 寺前橋 范盧王三志均著錄

北禪寺巷 未見著錄

吳郎橋巷 未見著錄

吳郎橋 范盧王三志均著錄 盧熊志北新橋南 宣統吳縣志稿張  
瘦桐損宅在吳縣漁郎橋漁郎即吳郎之音轉蓋吳音漁五均讀為兀  
恩切也

棧橋 吳郡志著錄 盧熊志北州場 按姑蘇志以下不載 棧氏見

漣漣撰碑宋張即之書華嚴性海四字皆徑丈刻榜猶存 舊志法華院

姓苑池北偶譚章丘縣縣棧姓張介侯姓氏尋源賈子五美篇機奇啟  
章之計不萌機奇即棘武侯柴武子奇也淮灘篇作機奇開章韓詩外  
傳齊景公游牛山事有柴車晏子作棧車是柴棧字通也魏棧潛當是  
棧奇之後潛任人胡三省以棧姓自潛始非矣

平家巷 康熙志齊門內 按吳中向有平民而未甚顯達方志自節考  
傳外未見平民人物

崇甫巷 盧王二志均著錄 同治志在北園即油車濱元和志作油車  
街 吳門表隱管園在北園崇甫巷東北俗稱油車巷明管正心所築  
選舉表唐進士科分無改有崇穎宋慶曆六年進士有崇大年字靜之  
之官知青田縣徙知浦城鄉人諡曰康靜先生志有傳

百家巷 盧熊志著錄 姑蘇志以百口橋故名 康熙志百口橋邊 業

俗名百家街 吳門表隱金錢松在百家巷內松隱庵元人手植

百口橋 吳地記祥符圖經均著錄 吳郡圖經續記百口橋在長洲縣

東東漢之顧訓五世同居家聚百口衣食均等尊卑有序因其所居以  
名之 吳郡志百口橋在長洲縣東東漢顧訓五世同居族聚百口衣  
食均等尊卑有序因其所居以名橋俗傳子孫多不能辨架上之衣歲  
朝集會子孫悉坐依次行酒三歲以上者並自知位次不虧其禮故俗  
又名試飲橋 盧熊志劉綺莊集類引蘇州志云宋太原太守顧訓之  
五代同居子孫富盛闔門雍穆家有百口時人重之前志云東漢顧訓  
所居又名試飲橋今迎春坊 明王賓詩百口橋邊春日斜舊時開遍

紫荊花山東人說張公藝此是中吳顧訓家 宣統吳縣志稿靈蹟司  
廟在普福寺西即靈德庵址舊在百口橋 燼餘錄簾影詞人某氏女  
工詞曲為諸社冠家富孤生又苛擇婿因是年二十尚未家也庚戌城  
陷被掠以病見道為軍卒所得鬻入青樓班頭利其豔慧不肯輕脫道  
黎慕其名者窘於資乃為嘉興懶皮所贖懶皮不識一丁贅於業米豆  
米豆至是內家被毀室人病痲遂擁婦資買屋百口橋實簾影故居為  
尤姓軍官所鬻也簾影入門見瘞藏無恙祕不言久之大婦益悍懶皮  
益懶乃與對天要約發所藏四萬五千金歸懶皮自取三千金別嫁劉  
仲高劉亦名士踰年死李不一月大婦死別買姬妾十餘人氣餒益豪  
才命相尅如是哉

迎春坊巷 王志著錄

迎春坊 吳郡志百口橋 祥符圖經吳地記古坊著錄 吳門表隱迎春

坊在北街華陽橋西又百家巷內有迎春橋宋時迎春於此 宣統吳縣  
志稿歸田園居鄰拙政園崇禎己亥王侍郎心一構中有蘭雪堂泛紅軒  
竹香廊漱石亭迎春閣嘯月臺諸勝侍郎自為記康熙丙子曾孫遴汝命  
工柳過為園沈德潛有記今園已廢而基址尚存

迎春橋 范廬王三志均著錄 康熙志華陽橋西 乾隆元和志俗名周  
通橋

寶光寺前 今婁門大街 宣統吳縣志稿韓宗伯葵宅在婁門內直街明  
萬曆中葵祖黃巖知縣治始居此有開雲堂文文肅公宸孟書額襄珣齋

紺雪齋皆董文敏公其昌書額兵燹後美重修築有瓶軒歸愚尺間斗室  
臨流構敞宇遠望西山作廬墓園懸室中清乾隆御題有懷堂賜馬

程橋 今水浮香橋吳門補乘程橋一名水浮香橋字一作冕 姑蘇志  
著錄見齊門內程橋下 范廬二志失載

寶光寺 按今婁門內關帝廟今寺在西北街明時所遷 吳郡志寶光

院在長洲縣東北婁門 廬能志寶光寺在今縣治東北 姑蘇志寶

光講寺在城東北隅跨塘橋本鬱林太守陸績故宅宋紹熙間僧蘊仁

元至元間僧紹隆先後重建初寺在婁門內鬱林石在馬石今移府學

洪武中即寺為軍營遂廢其後普重庵僧善識捨本庵地改建於此學

士曾榮記 吳郡金石目東京啟聖禪院真身瑞象歷年記元豐四年

五月望日正書在婁門內小關帝廟上鐫佛象下刻記文攷北宋建都

汴梁開縣曰東京則院在開豐即以開豐石刻重摹者按小關帝廟  
即護國禪院順治間寶光寺燬後所改

胡家橋 范廬二志著錄 姑蘇志以下不載 廬能志載胡質所居即

程公闢南園故址非是處也案胡定安定公瑗長蘇學分經義治事為  
兩齋人才輩出吳人德之即安定舊居于孫至今猶世居齊門者疑此

橋

楚勝橋 范廬王三志均失載 舊志或作做傘橋

斜路橋 范廬王三志均著錄今名迎春橋

寺莊橋 北禪 范廬二志著錄 姑蘇志以下不載

東營街 今倉街 未見著錄 按宋代吳中軍制以雄節為南營全提為北營則中營為威果可知攷平江圖威果二十八營在今倉街中吳郡姑蘇二志載威果二十八指揮在萬壽寺北正與此相近故校改東營街為中營街嗣讀宣統吳縣志稿據舊志著錄顧亭橋在東營門口則以倉街有東營而無中營中營基巷反似係東營之誤矣 又宣統吳縣志稿清源妙道真君廟條云一在對門內西營向在水中突起一阜攷善教橋東南蘇家巷左近今猶稱有尼僧蘭若之小巷曰尼蘭巷為吳音二郎之轉音而姑蘇志則稱二郎巷在新造橋東南新造橋即善教橋之近名 又案西營疑即盧熊志平糴倉條所云平糴倉在營橋東淳祐五年魏峻以壯城廢營改建宣壯城指揮初設今壽星橋本圖即稱營橋而繼遷善教橋浮墩墩又豈若威果二

十八指揮在萬壽寺北四十一指揮在城西南社壇東而北城亦一營在壽星橋又一營在浮整墩

威果二十八營 吳郡志營寨門禁軍威果二十八指揮 盧熊志威果第二十八指揮元額五百一十人在萬壽寺北

張香橋巷 今稱灣 未見著錄

張香橋 范盧王三志均著錄獲樓雜鈔昔有女姓張名香與所懼會於

故名 紅蘭軼乘今月明之夜有兔大於常兔見於橋上人捕之不得不得殆兔仙也所謂張香想非恒人不然世之桑間濮上者頗多何以

得名耶

營南巷 未見著錄

平江路 未見著錄 宣統吳縣志稿坊巷門陸太僕世廉宅在平江路徐家

街北口有飛英堂趙宦光書案徐家街在傳芳巷南一名徐家田頭

華陽橋 范盧王三志均著錄 康熙志通濟橋北 宣統吳縣志稿刑部

尚書韓對宅在北街華陽橋畔繪華新築圖中有種梅書屋極軒軒敞

按試飲堂在華陽橋顧聽玉珊藏書處見藏書紀事引黃堯圃不烈說所

謂華陽橋顧氏者也試飲典實見百口橋條下 石志金石門華陽橋橋

洞題記慶元四年九月建 吳門表隱華陽橋橋洞碑有聖宋慶元四年

戊午九月十三日戊申鼎新重建華陽橋正書二十二字

騎龍巷 今訛東麒麟巷 姑蘇志張香橋南 同治志麒麟巷舊名騎龍

巷 元和志騎龍巷俗名麒麟巷 乾隆吳縣志月駕園在縣治東北麒

麟巷內為皇甫汭所築後為詞人錢希言寓有亭沼林石之勝今為浚御

史宅按此疑為西麒麟巷故實待攷 藏書紀事詩注顧於山至藏書處

在騎龍巷按藏書紀事詩注常引黃堯圃說所謂騎龍巷顧氏者也

三家邨 宣統吳縣志稿三家邨至騎龍巷北吳門表隱三家邨在平江路

北張士誠時祇存仰沈胡三姓死守墨門 按表隱說與徐賈時詩集小

序畧異未知何說為確特亂後荒涼獨存氣節之士三家則可斷言耳然

廣廈蔽寒煞是難事徐氏萬間之說頗疑言過其實 徐柯一老庵遺稿

題沈生書卷引沈子珮聲世以醫名所云吳城壩頭沈氏也壩頭在吳郡

城東偏平江里第二橋地下之三家邨舊傳其先於宋靖康間以侍醫從

汴梁南渡時吳城蹂躪之餘室廬燹毀人民鮮少其始祖挈三家擇此地

居焉邨之所由名也起屋萬間凡經亂流冗無歸者皆依之後以其術活人其後益大興傍舊有龍湫築堰其上以壓之龍一夕為之徙吳人謂堰為壩故稱壩頭云蓋五百年矣珮聲傳其家學濟以文采風流文筆餘爾雅書入能品屬其師申子晉裴繪小象黃冠道士服坐磬石梅鶴之間以見志而來乞詩為題回斷句家聲之遠祖德之厚皆可詠也故觀縷言之之又案仰氏係屬希姓吳越時有仰仁詮宋時有永嘉人仰忻均見姓觴然未必居吳徐貫時言沈氏祖先挈三家來此而平江圖則已著錄有仰家橋吳郡志亦然吳地記吳郡續圖經作於北宋即無是橋無是姓盧公武志撰於元季專攷氏族一編猶無是姓則中原世家大族來此猶近寒門單家也惟南宋橋名究有是姓則徐公之言較可信或金人入侵後居

此張士誠子孫為之助戰耳則兩說實可兼采 吳昌綬龍定庵年譜道光四年甲申八月與吳縣貝澗香居士壩江鐵君居士沆校梨唐釋宗密即圭峯禪師見裴休碑文中圓覺經畧疏二卷皮版晏門內三家邨善慶庵註云葉廷瑄鷗波餘話引徐貫時詩序云沈子珮聲世以醫名所謂吳城壩頭沈氏壩頭在城東偏平江里第二橋地下之三家邨蓋宋代已有此名矣 拙著海棠樓藏書紀要激悟無隱兩禪師語錄三卷嗣法門人了亮等集嘉慶中平江晏門內三家村善慶庵刊本 葉廷瑄鷗波餘話云晏門內有地名三家村不知其名所由昉近見徐貫時先生一老庵遺稿題沈生畫詩序云沈子珮聲世以醫名所云吳城壩頭沈氏也壩頭在城東偏平江里第二橋地下之三家邨舊傳其先於宋靖康間以侍醫從



汴梁南渡時吳人蹂躪之餘室廬燹毀人民鮮少其始祖習三家擇此地居焉邨之所由名也起屋萬間凡經亂流先無歸者皆依之後以其術活人其後益大居旁舊有龍湫築堰其上以壓之龍一夕為之徙吳人謂堰為壩故稱壩頭云三家邨之名得此始知其緣起可備志乘蒐羅惟壩頭之稱則今土人知之者亦鮮矣 吳門表隱龍潭在三家村郡城中有十處<sup>三</sup>左右支河時有萬鯉來朝之異故東偏橋曰聚今誤作徐鯉魚橋里名騎龍巷明洪武時孽龍為患殃民害禾里士沈道基延承天寺名僧某驅之去鯉不復聚因建水神廟在潭前以鎮之

徐鯉魚橋 康熙志張香橋西南 范盧王三志均著錄 今訛麒麟橋

吳門表隱庫塔至徐鯉魚橋北康熙初地下有古井

奚家橋 范盧王三志均著錄

吳門表隱宋善士奚仁三世居曾孫懋明初登榜按建炎狄難蔡隆興倡義掩埋國殤骸骨或作奚公奚婆疑此即其所居又按長洲縣西十三都南十七圖有東西奚莊近志誤作鞋莊則以鞋古作鞣鞣奚古同音而誤耳龍者聽之不聞輒作亦耶切亦即奚之古音知此理可通老子希夷微三字之義

富孫橋 范盧王三志均著錄 康熙志慶曆橋東側 按盧熊志名宦有孫冕吏畏而民愛之吳中人物志有孫觀隱洞庭西山之陽舊志言嚴愛吳中風物之美留居不去盧熊志亦載其曾孫元衡有德政此橋富孫兩家未確誰屬

東園太保橋 范盧王三志均著錄 康熙志蘇卷倉西

中營基巷 盧王二志未著錄 今訛中由古巷 康熙志胡廂使橋巷北中營基見前

魏家橋 范盧王三志均著錄 康熙志打急路橋東南側 按了翁嘗寓

吳見前

胡廂使橋巷 今名胡廂使巷 盧王二志均未著錄 康熙志俗名唐巷

姑蘇志觀音庵在貞三園胡廂使巷宋淳熙間僧清一墾地得石象因建

宣統吳縣志稿清源妙道真君廟在平江路胡廂使橋南名古太尉堂註云俗云灌口二郎神廟亦曰楊山太尉堂 吳門表隱管家園在胡廂使巷北與北園管園均明管正心所築子孫尚居之 案廂官以留後使臣為之故

日廂使先是真宗特置廂使命京府統之神宗熙寧三年五月詔以京朝官曾歷通判知縣者分治京城四廂凡民有鬪訟事輕者得以決遣九月詔許留後使臣一員分左右廂勾管繼又增城外南北廂旋又廢在城左右兩廂詳見文獻通考蘇州為南宋陪都體制當如京師行在通考言紹興中臨安府先依開封例設四廂旋亦廢罷其二陪都規模當更狹隘四廂之合併南北之移城實意中事特國勢日蹙百里廂制亦減為一則恐為宋季制席耳詳本圖北一廂條

東開明橋 范盧王三志均著錄范作開明橋今分為南北二開明橋改盧

熊志引祥符圖經吳縣東西橋左近有開明橋註云即禮門橋則西開

明橋也

丁香巷 盧王二志均著錄 康熙志流真巷北 齊民要術雞舌香俗人以其似丁子故呼為丁子香蘇恭唐本州雞舌香樹葉及皮並似栗花如梅花子似棗核此雌樹也不入香其雄樹雖花不實永花釀之以成香出昆崙及交州愛州以南陳藏器唐本州拾遺雞舌與丁香同種花實叢生其中心最大者為雞舌擊破有順理而解為兩向如雞舌故名乃母丁香也嵇含南方州木狀密沈棧香雞骨黃熟青桂馬蹠雞舌八物同出於一樹也交趾有密香樹幹似拒柳其花白而繁其葉如橘欲取香伐之經年其根幹節各有別色也南方州木狀又曰木心與節堅黑沉水者為沉香與水面平者為雞骨香其根為黃熟香其幹為棧香細枝緊實未爛者為青桂其根節輕而大者為馬蹄香其花不香成實乃香為雞舌香珍異之

木也

唐家橋

范盧王三志均著錄

康熙志胡廂使橋東側

唐氏氏族人

物見前

流真巷

盧熊志作劉真巷

康熙志新橋巷北

同治志有柳氏貞女故

名舊名流真

按俗名大柳貞巷

宣統吳縣志稿陶島鄉侍郎樑所居

在婁門內柳貞巷見島鄉自著紅豆樹館詩集

吳郡金石日報恩寺塔

碑殘字道義鄉大木巷內居孝男陸綱與盧熊志大木巷與流真巷相次

今不知所在

星橋巷

盧熊志著錄

今大星橋巷俗訛大新橋巷茲據通利橋硃題刻

正之

宣統吳縣志稿月滿樓在城東北隅顧宗泰所居自為記按宗泰

自記云樓在星橋卽堂南余祖所舊築焉又云是樓面城背市僻在婁水之曲則為婁門星橋而不在齊門新橋明甚又涉園在吳門新橋巷東保寧太守陸錦所築園不甚廣東近城垣有小鬱林觀魚檻吾愛亭藤花榭浮紅漾碧諸勝又有吟高陸宣公墓柏重青碑後為崇明祝氏別墅今歸湖州沈中丞秉成重加營構改名耦園

朱馬交橋 范盧王三志均著錄 通利橋橋缺石刻星橋朱馬交橋年深坍塌蒙運判府鄭侍郎助錢叁仟貫提舉寶章判部趙郎中助錢貳仟貫長洲判縣龔郎中助錢壹仟伍百貫並以十七界會重行展閣建造勸緣崇禧上官右史幹緣碧雲庵僧守常淳祐十年十一月朔題據此則新當作星交當作茭書費誓峙乃自茭說文茭乾芻也有糧料意

輿馬字合近人著作有稱朱馬交橋者尚嫌坳會也 太湖備攷出東山南湖自茭田以西遶至長圻彌望皆是夏秋刈之南潯震澤諸油坊冒以飼牛舟載不絕 通利橋缺石刻交作茭本圖作交其體例正與薦行之作薦行同吳地記又有茭薦橋茭州場盧熊志引祥符圖經作茭州局在子城西三里而橋梁門又言棧橋北州場則知州西三里者為南州場而北州場亦茭州之棧也故曰棧橋薦為茭類信非無據尚書費誓魯人三郊三遂峙乃芻茭說文茭乾艸也宋重馬政為之設局立棧以儲之可謂無微不至矣獨惜秋高馬肥不能與完顏蒙兀兒之徒一決雌雄於疆場為可恨耳茭色紫故美其名曰朱馬茭惡紫奪朱其義益顯

眾安橋 范盧王三志均著錄 按此即通利橋洞中石刻所稱之星橋  
今訛大新橋

北張家橋 范盧二志著錄姑蘇志只著錄張家橋一同治志新橋在眾  
安橋東側以地址攷之當即此今訛小新橋

南張家巷 今中張家巷 盧熊志著錄 吳門補乘蔣乾字子健父高金  
陵人事蹟見金陵瑣事乾能畫山水隱居蘇之虹橋破屋半間一介不苟  
八十八年如一日也江盈科為長洲宰表其廬曰東海冥鴻

羅家橋 范盧王三志均著錄 舊志羅處約為吳縣令著圖經盧熊志  
羅點為浙西提舉濬澱山湖舊志羅隱中歲入吳與陸龜蒙游甫里猶  
有遺蹟其子塞翁為吳中從事善書畫以精妙卓絕著是羅不知何屬

熙寧橋 范盧王三志均著錄 康熙志訛為眾善橋 按今俗名青石  
橋

南張家橋 范盧二志著錄姑蘇志只著錄張家橋一

朱張巷 元時朱清張瑄居之朱張古逸氏姓名疑元以前即有是名 盧  
熊志著錄 姑蘇志萬壽寺後 近人筆記謂元起海運朱清張瑄主之  
富甲一郡同營廣廈於此故名其說當非無據廣倉學子富學術叢書排印  
大元海運記全文更可證明其說馮志雜記引吳郡續志稿記元代海運  
事其首云元起海運朱清張瑄出焉兩家第宅編吳中今朱張巷其故基  
也按朱張顧陸本為著姓未必自清瑄始有巷名 圖經續記朱氏墓碣  
在吳縣西穹窿山旁俗傳云買臣之墓非也按舊經云買臣家在嘉興縣



也說苑正諫篇豫且射魚中目亦如秦始皇射海中大魚漢武射蛟之類  
兩事均見本紀不可謂焉鄴書燕說周易井谷射鮒上云井谷雖不可得而  
而射魚之事則別有之焦氏易林以操筭搏狸何弓射魚同為非其器用  
自令心勞則東漢以後之夢想與西漢前不同矣此文矢魚為碩果僅存  
之方志資料知魚國之法亦同中原正不必執杜元凱矢陳也之誤訓強  
以牽纏經傳兩字為一字經作公矢魚於棠誅心之論也傳文遂往陳魚  
而觀之實記隱公拒諫歸非明知人君不可恣馳騁弋獵之誤改漁游觀  
之樂而仍作惟予言而莫敢違之事始之如棠觀魚飾辭也後之陳魚而  
觀怙惡也惟懸厓勒馬卒不發矢則比之桀紂尚彼善於此耳經文則直  
作誅心之論即以矢魚誌之杜說專經此解獨不按釋例可謂自亂其例

矣此亦張家一重公案也故附著之於此

廟堂橋 范廬王三志均著錄

報恩光孝寺前 今新學前 未見著錄

光孝寺 圖經續記承天萬壽禪院在長洲東南錢氏時中吳從事丁守  
節即晉公之祖也於其所居東南隅唐長壽寺之舊基鋸荒架宇祥符  
中晉公請賜改今額天聖初闢為禪刹高僧住持相繼崇飾最為闡廣  
又有華嚴閣祥符中有浮圖自京趨蜀刻造十六羅漢象乃來錢唐布  
飾之將還京師至蘇感夢遂留此閣下郡中士民祈請數應去年久雨  
太守章公迎禪月象於郡廳致請俄遂晴霽 吳郡志報恩光孝禪寺  
在長洲縣東即舊天寧萬壽禪院也徽宗時以為祝壽道場後即以為

薦嚴之地改今額

盧熊志萬壽禪寺在今縣治東北即舊報恩光

孝寺禪寺又名天寧萬壽禪院梁時置為國院唐長壽二年改為長壽院宋大中祥符二年丁晉公謂奏改為萬壽禪院紹興七年詔改為萬壽報恩光孝禪寺為徽宗薦嚴之地即今額也寺門外有尊勝石幢二周廣順三年癸丑所立中吳軍節度上柱國邵恩寶周承禮等題名其上 姑蘇志萬壽禪寺在府治東北晉義熙中西域僧法愔建名淨壽院梁改安國唐改長壽宋大中祥符二年丁謂奏改萬壽禪院崇寧中詔加崇寧寺改天寧紹興中改萬壽報恩光孝禪寺為徽宗薦嚴之地唐僧貫休嘗居此休號禪月大師故寺有禪月閣寺前周廣順中所立尊勝石幢猶存吳越軍節度上柱國邵恩寶周承禮等題名元末兵燬

洪武間重建宋濂記

吳都法乘法愔西域人義康中至中夏與惠遠

結社廬山已而來吳以念佛三昧化導有情吳人翕然皈向建淨壽院居之院燬復建即今萬壽寺也 朝野類要高宗皇帝中興以來令諸州軍各建置報恩光孝寺觀一所追崇佑陵香火 按貫休禪月閣即在光孝寺中貫休登之蘭溪人俗姓姜氏著西嶽集自夢十五羅漢梵相缺其一告者曰師之相是也遂為臨水圖足之寓居萬壽寺甚久後入蜀署號禪月今寺有禪月閣以師得名也見姑蘇志參中吳紀聞五燈會元如瑣建寧魏氏號證悟禪師居平江萬壽寺凡見僧必問近日如何僧擬對即拊其背曰不可思議將示寂眾集復曰不可思議乃合掌而逝



北軍寨 吳郡志忠順官寨在報恩光孝寺後淳熙二年建

臨頓里 吳郡志五柳堂胡稷言所居在臨頓里陸龜蒙之舊址也 又如邨

胡嶧所居嶧父稷言作五柳堂至嶧又取老杜宅舍如荒邨之句名其居曰

如邨 又胡稷言字正思則之姪學古文宋景文公以特奏補官為山陰丞

致仕築圃鑿池進陶靖節之風鍾五柳以名堂清修寡欲延納後進日晡後

不飲食客坐蕭然具湯一杯而已年八十餘卒子嶧字仲連居五柳松窗蓬

戶人以為隱君子步趨言動皆有尺度宿嘉喪祭率遵古法用杜甫詩名所

居曰如邨自號如邨老人累舉命官終不仕卒年七十九詩文簡古如其為

人 盧熊志吳鬱林太守陸績宅門有巨石初績任鬱林罷歸無裝舟輕不

可越海取石為重人稱其廉號鬱林石世保其居見唐史陸龜蒙傳據此即

龜蒙臨頓所居也 姑蘇志陸績宅在臨頓里 吳郡志陸龜蒙字魯望元

方七世孫賓虞子舉進士一不中往從張搏辟居松江甫里多論撰雖幽

憂疾痛資無十日計不少輟有田數百畝與江通常苦饑躬舂鍤之勤嗜茶

置園顧渚山下歲取租不許與流俗交雖造門不肯見不乘馬升舟設蓬席

齋束書茶竈筆狀釣具往來時謂江湖散人或號天隨子甫里先生自比涪

翁漁父江上文入後以高士召不至李尉盧雋素與善及當國召拜左拾遺

詔下而卒光化中韋莊表龜及孟郊等十人皆贈左補闕唐書龜蒙美為賦

賦絕妙人有收得賦林皆綴緝屬對差次比擬凡數首有題而未就其用工

如此談苑龜蒙與顏堯皮日休羅隱吳融為益友惟高潔家貧思祿與張搏

為吳興廬江二郡伴著吳興實錄四十卷松陵集十卷笠澤叢書三卷疾終

吳融為作傳貽史官韋莊撰文陸希聲撰碑文顏美書北夢瑣言 燼餘錄  
吳雲公雅善詩詞居城東之臨頓里著有香奩雪海集傳誦一時靖康國難  
後披髮佯狂更號中興野人厭棄城市往來於吳江李山氏家李即忠懿公  
諱若水之姪避寇來吳就館吳江與雲公為僚壻且同為歲寒社詩友也  
馮志王昶字琴德與王鳴盛少時讀書吳中同客臨頓里者四年

臨頓橋 吳地記祥符圖經均著錄 圖經續記在長洲縣北臨頓者亦吳  
時館名也陸魯望嘗居其旁皮日休贈之詩以為不出郭郭曠若郊野今  
此橋氏居柳比蓋此郡又盛於唐世也 吳郡志臨頓橋在長洲縣北臨  
頓吳時館名取之臨頓宅者是也又吳地記吳王親征夷人頓軍憩歇宴  
設兵士因此置橋唐陸魯望常居其旁 馮志范提學允臨宅在臨頓橋

北 宣統吳縣志稿三千六百鈞臺在臨頓橋北

顧家橋 盧王二志均著錄今訛過駕橋 姑蘇志鄰國公初在城東顧家

橋五十三世孫孟潼以祖信安王府請於有司改立為祠喬孫文龍守之  
文龍之後不存祠屬周氏蓋孟之壻也 吳郡志顧悌仕吳為虎頭將軍  
父亡五日絕漿而死郡人為之造橋 石志津梁門宋慶元二年重建金  
石門題記作慶元三年十一月 吳郡金石目重建顧家橋記慶元三年  
十一月正書在橋側橋在長洲縣境記後捐錢人街名

布德坊 盧熊志葉少蘊舊宅在鳳池鄉前有魚城橋政和中寓布德坊

吳郡志布得坊顧家橋 盧熊志顧家橋東

資壽寺巷 王志著錄 康熙志濂溪坊巷舊名資壽志巷 宣統吳縣志

稿資壽寺一云尼寺在城東隅宋紹興間建有正法堂又有碑浮圖靖康中邑人翁氏建據乾隆吳縣志引姑蘇志馮志魏荔彤字念庭直隸柏鄉人官江蘇鎮道去官賃屋濂溪坊杜門垂簾點勘書籍雍正四年還其里按姑蘇志濂溪祠在萬壽寺西濂溪坊內正統元年口世孫淵等建

仁王寺 吳地記仁王寺在縣東南一里唐天福四年奏置為安吳院祥符二年改今額 吳郡志仁王尼院在長洲縣東南舊名安吳院 盧熊志仁王尼院在今縣治東北唐祐四年置

苑橋 吳郡圖經續記苑橋定跨橋故傳皆闔苑園游憩之地今按定跨俗訛蘋花橋 吳郡志苑橋在報恩光孝寺之西故傳闔苑有苑園

在旁定跨橋下長洲縣前舊為闔苑故蹟縣前東南故傳皆闔苑園

游憩之地

勇冠坊 吳郡志仁王寺前直龍閣范師道所居以其出入臺諫有聲故名 盧熊志范公之前已有勇冠蓋倣古也 祥符圖經吳地記古坊

著錄 吳郡志范師道字貫之天聖九年進士累知廣德縣縣隄祀歲

殺牛以祀神一切禁絕之擢侍御史數以論事忤宰相劉沅出知常州復召為起居舍人同知諫院會百官上尊號乃言災異數出而崇尚虛文非所以答天戒又言宮人多遷除恐女寵因緣以害政事上皆嘉納之又言陳升之不當進用出知福州復入為三司鹽鐵副使終直龍圖閣知明州有奏議二十卷文集五十卷子世宗世亮皆登科

閣知明州有奏議二十卷文集五十卷子世宗世亮皆登科

丁晉公巷 廬王二志均著錄 今丁家巷 姑蘇志俗名丁家巷甫橋  
北 吳郡志丁謂字謂之長洲人少與孫何善袖文謁王禹偁大驚重  
之以為自唐韓愈柳宗元後二百年始有此作世謂之孫丁淳化三年  
進士甲科累遷夔州路轉運使蠻酋為寇謂諭以禍福蠻感德作誓刻  
石立境上五不得代詔舉自代者乃入為三司鹽鐵副使大中祥符五  
五年參知政事九年請外為平江軍節度使知昇州天禧初復參政改  
樞密使代寇準拜中書門下平章事加司空晉國公仁宗即位進司徒  
侍中為山陵使授太子少保分司西京又貶崖州司戶參軍在崖五年  
累徙光州授祕書監致仕卒年七十二謂機敏有智謀文字累數千百  
言經曉輒誦善談笑為詩至圖畫博奕音律無不洞曉嘗建鄉郡節鉞

以至宰相國朝吳人至相位者始於謂又嘗為鄉里請於朝特免丁錢  
鄉人至今德之祠於萬壽寺 吳門表隱甫橋丁家巷丁謂舊宅南濠  
丁家巷有丁家園為謂之別業今道旁有青石坐椅上馬石案南濠丁  
家巷在皇華亭西 見附錄

慶源坊巷 今大郎橋巷 未見著錄

大郎橋 大郎橋巷 坊巷橋梁凡以人物名者稱謂上必綴以姓例如  
周五郎巷錢官人巷是也神名則不綴姓例如二郎巷是也二郎巷即  
二郎廟巷此疑為大郎廟橋與大郎廟橋巷教坊記曲名有大郎神唐  
代釋者即以艷情故事解之謂大郎係女子之夫而神字全無著落矣  
姑蘇志丁晉公宅在大郎橋堂宇甚古有層閣數間臨其後號晉公

坊

慶源坊 吳郡志大郎橋東 盧熊志丞相丁謂所居舊名晉公坊今有  
家巷嘉泰初初易今名 吳門表隱兩面戲臺在大郎橋境或云明蒯  
侍郎祥所造

資壽寺 吳地記資壽尼禪院在縣東南三百步唐天福三年置 吳郡  
志資壽尼院在長洲縣東南 盧熊志資壽尼院在今縣治東北唐天  
復三年置 姑蘇志資壽尼院在長洲縣治東北宋紹興間建紹定初  
重修有正法堂張即之書又有碑浮圖靖康初邑人翁氏建又有盧舍  
那閣僧居簡記 盧熊志萬華堂在資壽寺後藍師稷提刑所居植牡  
丹至三千枝多得洛中名品如玉盤白景雲紅瑞雲紅勝雲紅間金之類

類無不有之後以游宦不能愛護惟勝雲紅存焉師稷字叔誠開封府  
人 按無著平江資壽寺尼號妙總禪師徑山語要云丞相蘇頌孫女  
泉南雜志云蘇頌女遂昌雜錄云張循王女孫

寺東橋 今師婆橋 吳郡志著錄萬壽寺東資壽西二橋盧熊志承  
之於此均不合疑有誤字

藍家巷 盧熊志著錄今鈕家 康熙志作鸞駕巷顧家橋之訛過駕橋  
橋是其例 吳門表隱吳武真家在鈕家巷韓洽重修張武安君廟碑  
夷考鳳池始於周宣王時有鳳集於泰伯十六代孫吳武真家故名按  
今鈕家巷附近屬鳳池鄉 宣統吳縣志稿鳳池園在鸞駕巷俗呼鈕  
顧家巷顧都憲沂自中州歸得氏舊園重修治之益擅名勝沂自有記

今其東歸陳大業名仍其舊其中歸王資敬其西歸大學士潘世恩  
又潘文恭公世恩第在鈕家巷即鳳池園之西偏有鳳池亭蚪翠居梅  
花樓諸勝公子曾沂繪臨頓新居圖孫郎中儀鳳即居宅對岸築養心  
園歸安吳雲有記

丁晉公廟 在藍家巷後廢為土穀神祠清初分長洲縣設元和縣為元  
和縣城隍廟隍見乾隆以來府縣志 紅蘭軼乘鳳池園在蕭家巷園

極大池亦廣今分售其地為三姓所有即元邑神廟亦其餘地

錢都街橋 范盧王三志均著錄 康熙志作吳赤烏年建不知何據

吳門表隱鄉屬壇今俱廢惟鳳池鄉屬壇在錢都街橋北首尚存

九曲牆巷 一名固將軍巷亦名蕭家巷 盧熊志著錄作蕭家巷姑蘇志

誤分為二 盧熊志閑貴堂在醋坊橋東本蕭氏雙節堂也既為周虎所

得遂易今名後有臺環以古桂數千本名曰凌霜宅又有陀陀立亭其上

日已高其地稱九曲牆巷 宣統吳縣志稿咫進齋齋在蕭家巷歸安方

伯觀元罷官後寓此子慰祖父子皆好藏書有晉石庵觀元在蜀得晉枳

陽府君神道石闕題刻攜以東歸顏其藏書之室也見螺荃孫雲自在堪

筆記 紅蘭伏乘蕭王墓在蕭家巷蓋齊梁時貴人葬地因居民造屋掘

得古碑而知之近年又聞掘得碑云唐相盧公之墓未知何人

雪糕橋 范盧王三志均著錄 紅蘭伏乘昔張孝子博雪為糕以奉親

所居在蕭家巷祠亦在焉其事詳見廣親聞蕭家巷陳氏園池中即張

孝子葬處 舊志粉餅屑糯粳各半為之有各種總名曰粉餅姑蘇志

楚辭有糗糒註曰吳語之膏環亦曰寒具言饋今之粉餠古已有之周禮籩人修籩之實糗餌粉粢註曰糗糒者宜米屑蒸之似棗栗之味今餌餠也方言餌謂之糕亦謂之糒按吳中舊志又有雪餠花餠生餠餠糖鬆餠焦熱餠甑兒餠蜂餠重陽餠百果餠夾餠餠菜豈餠雲片餠脂油餠火炙餠馬蹄餠海棠餠上頭餠定勝餠烏米餠神仙餠喜餠即蜜餠及壽餠年餠諸品

資壽寺後橋 范盧二志均著錄 姑蘇志著錄資壽寺橋二 康熙志

作資福橋

大樹巷 盧熊志著錄 康熙志以下作大儒巷云以明王敬臣得名 舊

志照慶寺在城東北隅大儒巷天曆元年宣政院阿咱刺建奏賜額虞集

集記至正九年建旃檀閣巷中有仁孝里大約亦敬臣得名 宣統吳縣

志稿遵義知縣王節愍公佐聖宅在大儒巷 又韓崇宅在仁孝里中有

寶鐵齋

兵馬使橋 范盧王三志均著錄 康熙志錢都衙橋北 舊志有兵馬

都監廳舍在州衙東偏本圖稱使馬院並已移西偏又兵馬監押廳舍

在州衙西偏有二所均見祥符圖經本圖稱南北有馬院此兵馬使橋

又不在衙左近且無公署殷因夏禮損益不可知矣

顯子巷 盧熊志分南北姑蘇志同惟別出顯子巷 盧熊志仁美坊南獻

子巷表右史上官渙酒所居靜庵上官渙西元之所居王遂為記中有采

菊堂董槐為記 浴隱園亦名惠蔭園在南顯子巷少微真人韓馨隱居

於此康熙間燬園中諸勝惟小林屋存焉韓是升有記後為安徽會館院  
山別墅益葺而新之

蘇軍橋 范盧王三志均著錄案在南顯子巷東今其半名南石子街

宣統吳縣志稿寶樹園在臨頓里石子街北高士顧其蘊所居本為明  
歸湛初米文堂胡汝淳得之改為洽隱山房清初圯敗及歸其蘊重葺  
締構以多植山茶佳種得名李雯為之記其蘊本復社中人明亡後絕  
意仕進日與尤侗沈荃宋寶穎輩飲燕賦詩以寄其志其孫秉忠築安  
時堂於宅中並有結蘅草廬澄碧亭芥園諸勝韓騏為之記庚申亂後  
安時堂歸機織局因亦荒廢俗稱顧家花園今猶存殘沼一區

迎春巷 盧熊志著錄今縣橋巷按迎春巷一名初春巷明萬曆中有初亭

亭嘗任吳縣主簿見職官表時特不知同居此里之春氏為何許人耳

宣統吳縣志稿高士徐波宅在懸橋巷明李璽家入山嶂讀書以其宅與  
外孫許眉空有圓嶠仙館精雅宏敞子陶村太史集家居不仕以著書自  
娛曾孫也秋進士大鎡杜門授徒又營來鶴亭碧梧龕諸勝後歸諸生祝  
壽眉葺為祝園別業原案許眉空清初時變易姓名為沈洽入吳邑庠後  
復姓許氏見葉廷瑄鷗波漁話 又鄭敷教宅在懸橋巷 又舉人朱綬  
世居縣橫巷後移居幽蘭巷古名句園巷 蔣子延繪圖以贈越二年又移  
孔副使巷即明少司空孔鏞墨池園之一隅子延又為之繪第二圖綬皆  
自記之墨池園詳孔副使巷條下今案子延名寶齡字霞竹志稿一稱子  
延一稱霞竹疑若二人然殆未知琴東野屋主人名字解話 又百宋一



厚在縣橋巷黃主事丕烈所居丕烈於嘉慶七年遷居於此構專室儲所有宋槧本書名之曰百宋一厚乞顧廣圻賦之而自為之註又於其中重理舊籍成百宋一厚書錄一卷今為潘氏松鱗義莊蟻術齋其故址也

天宮坊 吳郡志迎春坊 盧熊志天宮寺西南 祥符圖經吳地記著

錄 續吳郡文粹西夏鄔密公聽雪齋在天宮里陳基記宣統吳縣志稿第宅園林門按云吳郡志天宮坊迎春巷平江圖繪天宮坊即跨今圓嶠巷西口則宮里即員嶠巷也鄔密公不知何許人可補流寓傳之之闕 聽雪齋記西夏鄔密公寓第在吳門天宮里其東偏有屋六楹樸而不陋公即南榮為小齋西為壁北為戶疏其東南以楮承之中無長物左右琴書晏如也歲方冬公端居肅容虛心無為與造物者遊俄

聞中庭桂樹間索索然有聲起而視之則積雪在地皜然矣公因授琴鼓之客有候公於門者公揖使坐且謂之曰客亦知好此乎客曰僕東海之鄙人也何足以知之雖然公所鼓白雪之曲也僕不敏請為公和之客遂巡就席因歌曰白兮交下美人兮獨處歲晏兮何所娛撫陽春兮容與陽春兮遲遲白雪兮飛飛彼美人兮勞我思巾余車兮往從之端余居兮正余襟若有聞兮青桂林桂樹兮後凋撫白雪兮逍遙歌已筆於壁以記之時至正十四年十二月也 見夷白齋稿輟耕錄平江路達無花赤西夏六十卒於至正十六年

陸家巷 盧熊志著錄今名萊段巷 按姑蘇志大聖庵在城西南隅陸家

巷疑非此

天宮寺 吳地記天宮院在縣東北五十步唐景福元年置為武平院祥符中改今額 吳郡志天宮禪院在長洲縣東北舊武平禪院 姑蘇志天宮寺在城東北隅唐景福元年僧澹然建 乾隆吳縣志唐光祿大夫許台宅在臨頓路東景福五年捨為天宮寺 吳門表隱天宮寺在綠葭巷唐光祿大夫許台捨宅建初名武平院門前直街名初春巷南口有天宮坊寺前橋底有古井山門有脫沙聖帝裸程周將軍騎牛金剛寺內有紫砂夾石甚高竹葉寶塔拜執石却甲韋院皆宋時物大殿鐵藥師佛明正統間僧弘演墾土所得傍列十二樂義大將頗偉異萬曆十四年僧通泉所瘞 紅蘭佚乘澹泉在天宮寺善財房蔣竹浦封翁云汲以烹茶清寒紺澈可比天平山白雲泉

天宮寺前橋 姑蘇志著錄天宮寺橋二吳地記著錄一 范盧二志均

著錄

天宮寺西橋 今俗名小石暉橋 范盧王三志均著錄

通利橋 范盧王三志均著錄 宋淳祐碧雲庵僧守常募建星橋朱馬

菱橋石刻在通利橋缺中攷見朱馬菱橋下

南新橋巷 盧熊志著錄作曹胡徐橋巷

眾善橋 吳郡志訛作眾喜橋 盧熊志即徐胡橋 潘志萬金石編天

慶觀石柱題字平江府長洲縣道義鄉眾善橋南街東居住奉道弟子

子米振并妻張氏四七娘家眷等按此為眾善橋南北向之碼頭證若以

盧熊志所云徐胡橋即以眾善橋為曹胡徐橋則不倫矣

胡廂使橋 范廬王三志均著錄 康熙志通利橋北 胡廂使攷證見

前

白塔子巷 今東白塔子巷 廬王二志均著錄 紅蘭佚乘白塔在臨頓  
里白塔子巷有雕刻佛象今在人家壁中 吳門表隱小獅林在白塔子  
巷褚氏宅內為宋鄭虎臣舊宅多美石曾鑿池得古研因名天研堂諸生  
元圭孝友能文以六壬著名 宣統吳縣志稿引補乘表隱云獅子林在  
城東北隅潘儒巷元至正間僧天如維則延朱德潤趙善良倪元鎮徐幼  
丈共高疊成而鎮為之圖取佛書獅子座召之近人誤以為倪雲林築非  
也中有獅子峯含暉峯吐月峯立雪堂臥雲室問梅閣指柏軒玉鑑池冰  
壺井修竹谷小飛虹大石屋諸勝湖石玲瓏洞壑宛轉上有合抱大松五

株又名五松園元末潘元紹居之康乾南巡皆屢幸後為衡州知府休寧  
黃興祖居弟子殿撰軒亦居此 復園叢話止園在東白塔子巷有懷雲  
亭乾隆間沈太史世奕所築後歸周勛齋太守復拓而廣之改名構園有  
一峯召歸雲甚峭其東南為蔣氏種梅亭歸潘氏為古香亭

打急路橋 范廬王三志均著錄 康熙志胡廂使橋北 今俗名保吉

利橋 迓家園在保吉利橋南古名笮里吳丈夫笮融所居見吳門表

隱 舊志大乘庵在東白塔子巷宋咸淳五年僧了然建

靈鷲寺東橋巷 今獅林寺巷 未見著錄 吳郡金石目第一泉井題記  
存第一泉及大宋國嘗宋開慶數字餘不可辨在郡城獅林寺正書

慶曆橋 范廬王三志均著錄 姑蘇志修真道院在慶曆橋南 康熙

志打急路橋北

章家橋巷 明潘時用卷今潘儒巷 舊志未見著錄 吳門表隱潘儒巷  
舊名章家橋巷因宋章綜宅故名 又云章綜故宅在潘儒巷元潘元紹  
居之宅甚廣前後左右皆有別業獅子林在焉明初富民潘時用尚居之  
入清朝歸黃氏 中吳紀聞章氏本建安邠公之裔徙於平江者有二族  
子厚丞相家州南質夫樞密家州北兩地此然輪奐相望為一州之甲吳  
人號南北章以別之今按子厚惇學質夫棠字邠公得象文簡封號 道  
光府志黃軒字日駕休寧人授川東道兄騰達字雲衢官至禮科給事中  
善書工詩文黃氏兄弟自其父卜居吳門獅子林更其名曰涉園  
周通橋 范盧二志均著錄 姑蘇志大弘寺前